



影宋紹熙本穀梁傳一

仁18  
1203  
1



門口  
號  
卷

明治廿九年  
九月十七日  
購



影宋紹熙  
本穀梁傳

古逸叢書之二

金澤文庫

古詩集卷之八

遵義黎氏校刊

本義黎氏校刊

金澤文庫



春秋穀梁傳序

昔周道衰陵乾綱絕紐乾其連反天紐女父反禮壞樂崩彝

倫攸斁斁音倫以之反彝常倫理也攸斁丁故反字書作殫敗也弒逆篡盜者國有弒

妖災因釁而作釁許靳反民俗染化而遷陰陽為之

愆度為之于偽反下同七耀為之盈縮縮所六反川岳為之崩

竭鬼神為之疵厲疵才斯反厲音例又作癘故父子之恩缺則

小弁之刺作缺上悅反弁步寒反刺七賜反此所引皆詩篇名谷風在邶風餘皆小雅君臣之

禮廢則桑扈之諷興扈音戶諷方鳳反又作風夫婦之道絕則

谷風之篇奏骨肉之親離則角弓之怨彰君子

之路塞則白駒之詩賦天垂象見吉凶見賢聖偏反

作訓紀成敗。欲人君戒慎厥行。○行下孟反增修德政。蓋誨爾諄諄。聽我藐藐。○藐亡角反履霜堅冰。所由者漸。四夷交侵。華戎同貫。幽王以暴虐見禍。平王以微弱東遷。征伐不由天子之命。號令出自權臣之門。故兩觀表而臣禮亡。○觀古亂反朱干設而君權喪。○喪息浪反下道喪同下陵上替。僭逼理極。○替他計反僭子念反天下蕩蕩。王道盡矣。孔子觀滄海之橫流。迺喟然而嘆曰。○謂起愧反又苦怪反文王既沒。文不在茲乎。言文王之道喪。興之者在己。於是就大師而正雅頌於邦君。所以明其不能復雅。○復扶又反政化不足以

金瓶文庫

被羣后也。○被皮義反於時則接乎隱公。故因茲以託始。該二儀之化育。贊人道之幽變。舉得失以彰黜陟。明成敗以著勸誡。拯頹綱以繼三五。○拯拯類徒回反鼓芳風以扇遊塵。一字之褒。寵踰華袞之贈。○袞古本反袞冕上公之服片言之貶。辱過市朝之撻。○撻彼檢反市朝直道反達反。德之所助。雖賤必申。義之所抑。雖貴必屈。故附勢匿非者。無所逃其罪。○匿女力反潛德獨運者。無所隱其名。信不易之宏軌。百王之通典也。先王之道既弘。麟感化而來應。○麟本又作麟呂辛反瑞獸也應應對之應因事備而終篇。故絕筆於斯年。成天下之事業。定天下之邪正。○邪似嗟反莫善於春秋。春秋之傳有三。

而為經之旨一。臧否不同。○臧子郎反否音鄙又方九反臧否猶善惡也褒貶

殊致。蓋九流分而微言隱。異端作而大義乖。左

氏以鬻拳兵諫為愛君。○鬻南音育拳音權文公納幣為用

禮。穀梁以衛輒拒父為尊祖。不納子糾為內惡。

○約居公羊以祭仲廢君為行權。○祭側界反妾母稱夫

人為合正。以兵諫為愛君。是人主可得而脅也。

以納幣為用禮。是居喪可得而婚也。以拒父為

尊祖。是為子可得而叛也。以不納子糾為內惡。

是仇讎可得而容也。以廢君為行權。是神器可

得而闕也。○闕本又作闕去規反以妾母為夫人。是嫡庶可得

而齊也。○嫡丁歷反本又作適亦同若此之類。傷教害義。不可得

強通者也。○強其丈反凡傳以通經為主。經以必當為理

○當丁浪反下同夫至當無二。而三傳殊說。庸得不棄其

所滯。擇善而從乎。既不俱當。則固容俱失。若至

言幽絕。擇善靡從。庸得不並舍以求宗。據理以

通經乎。○舍以音捨雖我之所是。理未全當。安可以得

當之難。而自絕於希通哉。○難乃且反而漢興以來。環

望碩儒。○環古回反各信所習。是非紛錯。○錯七洛反準裁靡

定。○我在代反又音才下同故有父子異同之論。石渠分爭之說

○父子異同謂劉向好穀梁劉歆善左氏之論力困反石渠其居反閣名漢宣帝時使諸儒講論同異於石渠閣也分爭爭鬪之爭廢

興由於好惡。○好呼報反惡烏路反盛衰繼之辯訥。○字書云訥或作訥乃骨反字

詰云訥遲於言也包咸論語注云遲鈍也斯蓋非通方之至理。誠君子之

所歎息也。左氏豔而富。其失也巫。○豔移驗反。巫音無。穀梁清而婉。其失也短。○婉於阮反。公羊辯而裁。其失也俗。若能富而不巫。清而不短。裁而不俗。則深於其道者也。故君子之於春秋。沒身而已矣。升平之末。歲次大梁。先君北蕃迴軫。○蕃方元反。又作藩。頓駕于吳。乃帥門生故吏。我兄弟子姪。○姪徒節反。字林文二反。杜預注左氏傳云。兄子曰姪。研講六籍。次及三傳。左氏則有服杜之注。公羊則有何嚴之訓。釋穀梁傳者。雖近十家。○近附皆膚近之。淺末學。不經師匠。辭理典據。既無可觀。又引左氏公羊。以解此傳。文義違反。斯害也已。於是乃商略名例。敷陳疑滯。博示諸儒。同異之說。昊天

不弔。大山其頽。○昊天胡老反。詩云。欲報之德。昊天其弔。又作早亡巾反。匍匐墓次。

死亡無日。○匍音蒲。又音扶。匍匐北反。又音服。日月逾邁。○逾音榆。跂及視息。

言其意業未及終。嚴霜夏墜。○墜字直類反。從弟彫落。

從才。二子泯沒。○泯忘忍反。又作泯。天實喪予。○喪息浪反。何痛如

之。今撰諸子之言。各記其姓名。名曰春秋穀梁

傳集解

余氏萬卷堂藏書記

適美齋

萬卷堂

春秋穀梁傳隱公第一

○隱公名息姑惠公之子周文王八世孫平王四十九年即位

范甯集解

元年春王正月

隱公之始年周王之正月也杜預曰凡人君即位欲其體元以居正故不言一年一月也○正

音征又如字後皆放此

雖無事必舉正月謹始也謹君即位之始公何以

不言即位

據文公言即位成公志也成隱讓相之志焉成之言君之

不取為公也

言隱意不取為魯君也公君也上言君下言公互辭○焉於虔反君之不取為

公何也將以讓相也讓相正乎曰不正

隱長相幼○長丁丈反又作文

同春秋成人之美不成人之惡隱不正而成之何

也將以惡相也

不明讓者之善則取者之惡不顯○之惡相同各反下注之惡同惡相為路反下其惡相同其

惡相何也隱將讓而相弑之則相惡矣相弑而隱

讓則隱善矣善則其不正焉何也

據善無不正○弑申志反又作殺如字後

皆同春秋貴義而不貴惠私惠謂信道而不信邪信申字古今所

共用。信音申邪似孝子揚父之美。不揚父之惡。先君

之欲與相。非正也。邪也。雖然。既勝其邪心。以與隱

矣。終歸之於隱。是以正道制邪心。已探先君之邪志。而遂以與相。則

是成父之惡也。兄弟天倫也。兄先弟後。天之倫也。次探吐南反。為子受

之父。為諸侯受之君。隱為世子親受命於惠公。為魯君已受之於天王矣。已廢天

倫而忘君父。以行小惠。曰小道也。弟先於兄。是廢天倫。私以國讓。是忘君父。

若隱者。可謂輕千乘之國。蹈道則未也。未履居正之道。乘繩證

反。公侯之國。賦千乘。蹈道上。徒報反。履行之名也。下如字。○三月。公及邾儀父盟于昧

內。為志焉爾。內謂魯也。儀字也。父猶傳也。男子之美稱

也。魯附庸之國。昧魯地。邾音誅。國名。儀父凡人名。字皆音甫。後放此。更不重音。昧音蔑。地名。左氏作蔑。注下皆同。及者何

也。傅師傳附庸之君。未王命。例稱名。善其結信於魯。故以字配之。美稱尺證反。其不言邾子何也

據莊十六年。邾之上古微。未爵命於周也。邾自此以上

上時。不日。其盟渝也。日者所以謹信。盟變故不日。七年公伐邾。掌反。是也。不日。人實反。不日。謂不書日也。穀

梁皆以日月為例。他皆皆。放此。渝。羊朱反。變也。昧。地名也。○夏五月。鄭伯克段于

鄆。段有徒眾。攻之為害。必深。故謹而月之。鄆。鄭地。音偃。地名。克者何能也。何能也。能

殺也。何以不言殺。見段之有徒眾也。言鄭伯能殺則邦人不能殺矣。知段

衆力彊。盛唯國君能殺之。見賢備反。段。鄭伯弟也。何以知其為弟也。殺

世子母弟目君。以其目君。知其為弟也。母弟。同母弟也。目君。謂稱

伯段弟也。而弗謂弟。公子也。而弗謂公子。貶之也。

段失子弟之道矣。賤段而甚鄭伯也。賤段。謂不稱公子也。公弟。甚鄭伯。謂目

君何甚乎鄭伯。甚鄭伯之處。心積慮。成於殺也。雍

段恃寵驕恣疆足當國鄭伯不能防閑以禮教訓以道縱成其罪終致大辟處心積思志欲殺弟○大辟婢亦反思息更反

也猶曰取之其母之懷中而殺之云爾甚之也段

走乃至於鄆去已遠矣鄭伯猶追殺之何以異於探其母懷中赤子而殺之乎君殺大夫例不地甚鄭伯之殺弟故謹其地然則

為鄭伯者宜奈何緩追逸賊親親之道也君親無將將而必誅

焉此蓋臣子之道所犯在已故可以申兄弟之恩○秋七月天王使宰咺來歸惠

公仲子之贈宰官咺名仲字子宋姓也婦人以姓配字明不忘本示不適同姓也妾子為君贈當稱謚成風是也仲子

乃孝公時卒故不稱謚贈例時書月以謹其晚○宰咺况阮反注同仲子惠公之母也與左氏作同贈芳鳳反注及下同母以子

氏妾不得體君故以子為氏平王新有幽王之亂遷于成周欲崇禮諸侯仲子早卒無由追贈故因惠公之喪而來贈之仲

子者何惠公之母孝公之妾也禮贈人之母則可

贈人之妾則不可君子以其可辭受之其志不及

事也常事不書贈者何也乘馬曰贈衣衾曰祔貝玉曰

含錢財曰賻四馬曰乘含口實○乘繩盥反椽音遂含戶暗反又作哈賻音附○九月及宋

人盟于宿及者何內卑者也宋人外卑者也卑者

之盟不日卑者謂非卿大夫也凡非卿大夫盟信之與不例不日宿邑名也○冬十

有二月祭伯來來者來朝也其弗謂朝何也褒內

諸侯非有天子之命不得出會諸侯不正其外交

故弗與朝也天子畿內大夫有采地謂之褒內諸侯○祭側界反朝直遙反褒音縣右縣字一音環又音患褒內圻內

也畿本或聘弓鏃矢不出竟場束脩之肉不行竟中

有至尊者不貳之也聘遺所以結二國之好將彼我之意臣當稟命於君無私朝聘之道○鏃音倏

正也君之卿佐是謂股肱股肱或虧何痛如之故錄其卒日以紀恩不日卒惡也罪故

二年春公會戎于潛凡年首月承於時時承於年文體相接春秋因書王以配之所以見王者上奉

七十。時承天而下統正萬國之義然春秋記事有例時者若事在時例則時

而不月月繼事末則月而不書王書王必皆上承春而下屬於月文表  
年始事莫之先所以致恭而不黷者他皆放此唯相有月無王以見不  
奉王法爾南蠻北狄東夷西戎皆底羗之別種潛魯地會例時見王  
賢徧反下同屬章玉反黷徒木反放甫往反

知者慮察安審危義者行臨事能斷仁者守衆之所歸

如守有此三者然後可以出會會戎危公也無此三

以會而况會戎乎夏五月莒人入向入例時惡甚則曰次惡則月

反惡烏各入者內弗受也入者內弗受也罪則義皆不可受向我邑也自

而言故無該帥師入極無該帥師入極二千五百人為師入者內

弗受也極國也諱滅同姓故變滅言入傳例曰滅國有三術中

魯也荀焉以入人為志者人亦入之矣不稱氏者

滅同姓貶也秋八月庚辰公及戎盟于唐傳例

者內為志焉爾唐魯地九月紀履緌來逆女不親逆則例月重錄

綸音須左氏作逆女親者也親者謂自使大夫非正也

以國氏者為其來交接於我故君子進之也傳例

國以國氏甲者以國氏進大夫以國氏國氏雖同而義各有當公子公

孫箕君代位故去其氏族國氏以表其無禮齊無知之徒是也若庶姓

微臣雖為大夫不得爵命無代位之嫌既不書其氏族當知其國之臣

故國氏以別之宋萬之倫是也履緌以名繫國者其奉國重命來為君

逆得接公行禮故以國氏重之成九年宋不書逆女以其逆者微今書

履緌亦足知其非卑者公羊傳曰春秋貴賤不嫌同號美惡不嫌同辭

左氏舍族之例或厭以尊君或賤以著罪此傳隱公去即位以明讓莊

公去即位以表繼弒文同而義異者甚衆故不可以一方求之為其

于偽反注來為同有當丁浪反故去起呂反下同以別冬十月

伯姬歸于紀伯姬禮婦人謂嫁曰歸反曰來歸嫁

既嫁制於夫夫死從長子婦人不專行必有從也

曰歸明外屬也反曰來歸明

從外至反謂為夫家所遣

從人者也婦人在家制於父

伯姬歸于紀。此其如專行之辭何也。曰：非專行也。

吾伯姬歸于紀。故志之也。其不言使何也。怪不言使

女○長逆之道微。無足道焉爾。言君不親迎而大夫來逆

丁丈反○紀子伯莒子盟于密。密莒地○子

左氏作或曰：紀子伯莒子而與之盟。紀子以莒子為伯

曰：年同爵同。故紀子以伯先也。年爵雖同紀子

二月乙卯。夫人子氏薨。夫人薨。夫人薨。從夫稱○稱尺證反

不地。夫人無出竟之事薨夫人者。隱之妻也。卒而不書

葬。夫人之義從君者也。隱弑賊不討○鄭人伐衛。例傳

三年春。王二月己巳。日有食之。杜預曰：日行遲一歲一周

天月行疾一月一周天一

例時○壞音怪又戶怪反

曰斬樹木壞宮室曰伐

歲凡十二交會然日月動物雖行度有太量不能不小有盈縮故有雖

交會而不食者或有頻交而食者唯正陽之月君子忌之故有伐鼓用

幣之事京房易傳曰：日者陽之精人君之象。驕溢專明為陰所侵則有

日食之災不救必有篡巨之萌其救也君懷謙虛下賢受讓任德日食

之災為消也。日有食之本亦作蝕音同言日不言朔。食晦

日也。其日有食之何也。吐者外壤。食者內壤。凡所

者其壤在外其所吞咽者壤入於內闕然不見其壤。有食

之者也。今日闕損而不知壤之所在此必有內辭也。或外辭

也。即曰食者內壤故曰內辭吐者外壤故曰外辭傳無外辭之文者

升謂之饑四穀不升謂之有食之者。內於日也。內於日以壤

見賢編反其不言食之者何也。知其不可知。知也。可知

字下知音智○三月庚戌。天王崩。平王高曰崩。梁山厚曰

崩。沙鹿尊曰崩。天子之崩。以尊也。其崩之何也。以

知也上知如

字下知音智

知也上知如

字下知音智

字下知音智

字下知音智

字下知音智

其在民上故崩之其不名何也。大上故不名也。夫

者所以相別爾。居人之大在民之上故無所名。○大並如字。夫音符發句之端皆同。別彼列反。夏四月辛卯

尹氏卒。文三年王子虎卒不日此日者錄其恩。尹氏者何也。深也。○尹如字。周大夫也。左氏作君氏。

天子之大夫也。外大夫不卒。此何以卒之也。於天

子之崩為魯主。故隱而卒之。隱猶痛也。周禮大行人職曰。若有大喪則詔相諸侯

之禮。然則尹氏時在職而詔魯人之弔。○秋。武氏子來求賻。王

者不書官名。疑其譏世卿。○相息亮反。天子之大夫也。

天子之大夫其稱武氏子何也。未畢喪。孤未爵。

未爵使之非正也。其不言使何也。據相十五年

無君也。相王在喪未即歸死者曰賵。歸生者曰

賻。曰歸之者正也。求之者非正也。喪事無求而有賵賻。周雖

不求。魯不可以不歸。魯雖不歸。周不可以求之。求

之為言。得不得未可知之辭也。交譏之。○八月庚

辰。宋公和卒。天子曰崩。諸侯曰薨。大夫曰卒。周之制也。春秋所

則不得不略外。諸侯豈不以自異也。至於既葬。雖知許子男之君皆稱

謚。而言公各順臣子之辭。兩通其義。鄭君曰。禮雜記上曰。君薨。赴於他

國之君曰。寡君不祿。敢告於執事。由禮下曰。壽考曰卒。短折曰不祿。君

薨。赴而云不祿者。臣子之於君父。雖有壽考。猶若短折。折痛傷之至也。若

赴稱卒。是以壽終無哀。惜之心。非臣子之辭。鄰國來赴。書以卒者。無老

無幼。皆以成人之稱。亦所以相尊敬。○謚市至反。後皆同。短丁。緩反。折

時設反。下同。有壽。諸侯曰卒。正也。○承嫡。○冬。十有二月。

齊侯。鄭伯盟于石門。傳例曰。外盟不

公日葬。故也。危不得葬也。天子七月而葬。諸侯五月而葬。大夫三月而葬。傳例曰。諸侯時

葬。正也。月葬。故也。日者。憂危最甚。不得備禮葬也。他皆放此。徐邈曰。文

元年。傳曰。葬曰會。言有天子諸侯之使。共赴會葬。葬事。故凡書葬。皆據我

而言。葬彼。所以不稱宋葬。繆公而言葬。宋繆公者。弔會之事。賵。遂之命

此常事。無所書。故但記卒。記葬。錄魯恩義之所及。則哀其喪。而恤其終

葬。一

葬。一

葬。一

葬。一

亦可知矣若存沒隔絕情禮不交則卒葬無文或有書卒不書葬并蓋外  
雖赴卒而內不會葬無其事則闕其文史策之常也穀梁傳稱變之不  
葬有三弑君不葬國滅不葬失德不葬言天子脩春秋所改舊史以示  
義者也弑君之賊天下所當同誅而諸侯不能治臣子不能討雖葬事  
是供義何足算亡國之君喪事不成則不應書葬失德之主無以守位  
故沒葬文傳於宋襄公著失民之咎宋共公發非葬之問言伯姬賢而  
不答共公不能弘家人之禮然則為君者外之不足以全國內之不足  
以正家皆所謂失德而終禮宜貶者也于時諸國多失道不可悉去其  
葬故於二君示義而大體明矣○繆音穆本亦作穆之使所吏反下同  
策本又作莢初革反算素緩反數也宋共公音恭本又作恭去起呂反

**四年春王二月莒人伐杞取牟婁**傳例曰取易辭也伐  
國不言圍邑言圍邑

皆有所見伐國及取邑例時此月者蓋為下戊申衛君完卒日起也凡  
例宜時而書月者皆緣下事當日故也日必繼於月故不得不書月事  
實在先故不得後錄也他皆放此○杞音起

**傳曰言伐言取所**惡也稱傳曰者穀梁子不親受于師而聞之於傳者既伐其國又取  
其土明伐不以罪而貪其利兩書取伐以彰其惡○所惡鳥路  
反又如字於

**諸侯相伐取地於是始故謹而志之也**傳直專反

**戊申衛祝吁弑其君完**弑君曰與不曰從其君正  
與不正之例也祝吁衛公

春秋之始

子○祝吁香于反左氏公大夫弑其君以國氏者嫌也弑  
羊及詩作州吁字音九

**而代之也**凡非正嫡則謂之嬖○夏公及宋公遇于清遇例時  
清衛地及

**者內為志焉爾**元年與宋人盟于宿故  
今復尋之○復扶又反遇者志相得也

八年傳曰不期而會曰遇今日內  
為志非不期也然則遇有二義○宋公陳侯蔡人衛人伐

**鄭○秋翬帥師會宋公陳侯蔡人衛人伐鄭翬者**

**何也公子翬也其不稱公子何也**據莊二年公子慶父  
帥師伐於餘上稱公

**子○翬音** **貶之也**杜預曰外大夫貶皆稱人內大夫貶皆去族稱  
暉下同名記事之體他國可言其人而已之卿佐不得

言魯人○ **何為貶之也與于弑公故貶也**音預○九月

**去起呂反** **衛人殺祝吁于濮**濮陳地水名  
○濮音卜 **稱人以殺殺有罪也**

有弑君之罪者則舉  
國之人皆欲殺之 **祝吁之挈失嫵也**不書氏族提挈其名  
而道之也衆所同疾

威力不足以自固失當國之嫌  
○挈本又作挈苦結反注同 **其月謹之也**討賊例時也衛人  
不能即討祝吁致

令出入自恣故謹其時月所在以著臣子之緩慢也。令力呈反下同。于濮者譏失賊也譏其不即討乃

濮立納入皆篡也。大國篡例月小國時。衛人立晉國篡例月小國時。衛人者

衆辭也。立者不宜立者也嗣子有常位故不言立。晉之名惡也

惡謂不正。其稱人以立之何也。得衆也。得衆則是

賢也。賢則其曰不宜立何也。春秋之義諸侯與正

而不與賢也雍曰正謂嫡長也。夫多賢不可以多君無賢不可

私親所以定名分名分定則賢無亂長之階而自賢之禍塞矣。君無孽幸之由而私愛之道滅矣。嫡丁歷反。長丁丈反。下同。儲直魚反。分扶問反。壁必計反。

五年春公觀魚于棠傳例曰公往時正也。正謂無危事耳。棠魯地。觀魚如字。左氏作矢魚。傳

曰常事曰視視朔之類是。非常曰觀觀魚之類是。禮尊不親小

事。卑不尸大功。尸魚卑者之事也周禮獻人中士下士。獻音魚。公觀之

非正也。夏四月葬衛桓公。月葬故也有祝吁之難故十五月乃葬。難乃旦反。

秋衛師入郟。入者內弗受也。郟國也將卑

師衆曰師書其重者也。將甲謂非卿。郟音成。將甲子匠反。注同。九月考仲子之

宮失禮宗廟功重者月功輕者時。莊二十三年秋丹桓宮。楹是也。考者何也。考者成之

也。成之為夫人也立其廟世祭之禮。成夫人之禮。禮庶子為君為其

母築宮使公子主其祭也公當奉宗廟故不得自主也。公為子者長子之弟及妾之子。為

孫而脩之。非隱也非責也。三年父喪畢不於三年考。者又有天王崩至此服音乃脩之。初獻

六羽羽翟羽舞者所執獻者下奉。上之辭作之於廟故言獻。初始也遂以穀梁子曰。

舞夏天子八佾諸公六佾諸侯四佾言穀梁子曰非受於師自其意也。夏

大也。大謂大雉。大雉翟雉佾之言列八人為列。又有八列八八六十四人也。並執翟雉之羽而舞也。天子用八象八風。諸公用六降殺以兩也。

不言六佾者言佾則干在其中明婦人無武事獨奏文樂。舞夏戶雅反注及下同佾音逸列也殺色界反。初獻六羽。

始僭樂矣。下犯上謂之僭。僭子念反。尸子曰：舞夏自天子至諸

侯皆用八佾。初獻六羽。始厲樂矣。言時諸侯僭侈皆用八佾魯於是能自減

厲而始用六穀梁子言其始僭尸子。邾人伐宋。邾王兵故序鄭

言其始降。侈昌是反。又尺是反。○邾人伐宋。邾王兵故序鄭

上。○螟蟲災也。甚則月不甚則時。甚則即盡不及歷月禮月令曰仲春行夏

令則蟲螟為害。冬十有二月辛巳。公子彊卒。杜預曰大夫書

卒不書葬葬者自其臣子事。隱不爵命大夫。其曰公子

彊何也。據八年無佞卒不稱公子。命大夫公子不為大夫則不言。宋人伐鄭。圍長葛。長葛鄭邑圍列時。伐國不言

圍邑。據莊二年公子慶父帥師伐於餘丘。此其言圍何也。宋以此冬圍之至六年冬乃取之古者師出不踰時重民

久之也。之命愛民之則乃暴師經年僅而後克無仁隱之心而有

貪利之行故圍伐兼舉以明之。暴步下。伐不踰時。戰不逐奔。

誅不填服。來服者不復填獻之。填音田復扶又反下同獻於甲反。苞人民。毆牛馬。曰

侵。斬樹木。壞宮室。曰伐。制其人民毆其牛馬賊去之後則可還反樹木斬不復生宮室壞不

自成故其為害重也。毆仁于反。注同壞音怪一戶怪反六年同。

六年春。鄭人來輸平。杜預曰和不盟曰平。輸者墮平失朱反墮也左氏作渝平輸者墮

也。平之為言以道成也。來輸平者不果成也。春秋前魯與鄭

平四年。鞏與宋伐鄭故來絕。曾壞。夏五月辛酉。公會齊侯

盟于艾。艾魯地隱行皆不致者明其當讓也。艾五蓋反。秋七月。

冬。宋人取長葛。前年冬圍至今乃得之上有伐鄭圍長葛言長葛則鄭邑可知故不繫之鄭。外取

邑不志。此其志何也。久之也。

七年春。王三月。叔姬歸于紀。叔姬伯姬之姊至此歸者待年於父母之國六年乃歸媵

之為言送也從也不與嫡俱行非禮也親逆例時不親逆例月許慎曰姪婦年十五以上能共事君子可以往二十而御易曰歸妹愆期淫歸有侍詩云韓侯取妻諸娣從之祁祁如雲娣必少於嫡知未二十而往也。娣徒細反女弟曰娣勝以證反又繩證反從才用反下同一音如字上時掌反共事音恭本亦作供愆起。其不言逆何也據莊二

莒慶來逆。逆之道微無足道焉爾。滕侯卒。滕侯無名。自無名非賤之。少曰世子。長曰君。狄道也。其不正者名也。戎狄之道年少之時稱曰世子長立之號曰君其非正

同嫡本又作。夏城中。城例時中。城為保民為之也。建。適丁歷反。立城邑有定所高下大小存乎王制刺公不脩勤德。民衆城小則

益城。益城無極。凡城之志皆譏也。夫保民以德不以城也。如民衆而城小則

益城是無限極也此發。齊侯使其弟年來聘。聘例時凡聘凡例苑之於城內邑。禮非始封之君則帛以相存問。諸侯之尊弟兄不得以屬通。臣諸父昆弟匹敵

之稱人臣不可以敵君故不得以屬通所以遠別其弟云者以貴賤尊君卑臣之義。稱尺證反別彼列反下同。其來接於我舉其貴者也。弟是臣之親貴。秋。公伐

邾。冬。天王使凡伯來聘。凡氏伯字。戎伐凡伯于楚

上以歸。凡伯者何也。天子之大夫也。國而曰伐。此

一人而曰伐何也。大天子之命也。伐一人而同一。戎

者衛也。戎衛者為其伐天子之使貶而戎之也。楚

上衛之邑也。以歸猶愈乎執也。夫天子之使過諸侯諸

侯當候在疆場膳宰致。蘇司里授館猶懼不敬今乃執天子之使無禮莫大焉昭十二年晉伐

鮮虞傳曰晉狄之也今不曰衛伐凡伯乃變衛為戎者伐中國之罪輕

故稱國以狄晉執天子之使罪重故變衛以戎之以一人當一國諱執

言以歸皆尊尊之正義春秋之微旨。之使所吏反注同愈羊主反過

古卧反又古禾反疆本又作壇亦作強音。姜塲音亦餽許氣反牲腥曰餽伐鮮音山

八年春。宋公衛侯遇于垂。垂衛地。不期而會曰遇。遇

者志相得也。○三月。鄭伯使宛來歸郟。

凡有所歸例時郟鄭邑。

宛於阮反。郟彼病反。一音丙左氏作妨。

名宛。所以貶鄭伯惡與地也。

去其族惡擅易。

天子之邑。○惡與鳥路反。注及下同。去起呂反。擅市戰反。

○庚寅。我入郟。

徐邈曰。入承鄭歸郟下。嫌內外文不。

別故著我以明之。○別彼列反。

入者。內弗受也。日入。惡入者也。郟者。鄭

伯所受命於天子。而祭泰山之邑也。

王室微弱無復方岳之會。諸侯驕慢。

亦廢朝覲之事。故鄭以湯沐之邑。易魯朝宿之田也。諸侯有大功德。於王室者。京師有朝宿之邑。泰山有沐浴之邑。所以供祭祀也。魯周公

之後。鄭宣王母弟若此。有賜邑其餘。則不許。慎曰。若令諸侯京師之地。皆有朝宿之邑。周有千八百諸侯。盡京師之地。不足以容。不合事理。○

復扶又反。廢朝直遙反。下同。覲巨斬反。諸侯春見天子曰朝。秋見曰覲。令力呈反。

○夏六月己亥。蔡侯

考父卒。諸侯日卒。正也。○辛亥。宿男卒。宿。微國也。

未能同盟。故男卒也。○秋七月庚午。宋公齊侯衛

侯盟于瓦屋。

宋序齊上王爵也。瓦屋周地。

外盟不日。此其日何也。據僖十九

年夏六月。宋公曹人邾人盟於曹南。不日。

諸侯之參盟於是始。故謹而日之也。

世道交變。盟詛滋彰。非可以經世軌訓。故存日以記惡。蓋春秋之始也。○參七南反。變自浪反。詛。莊慮反。下文同。

誥。誓言不

及五帝。

五帝謂黃帝顓頊帝堯帝舜也。誥。誓言。向書六誓。言七誥。是其遺文。五帝之世。道化淳備。不須誥誓。而信自著。○誥。古報反。拉言市制反。五帝。孔安國云。少昊顓頊高辛唐虞。鄭玄有黃帝無盟

少昊餘同。范依鄭顓頊上音專。下音許。玉反。帝。魯。晉。皆。駕。反。高。辛。名。盟

詛不及三王。

三王謂夏殷周也。夏后有鈞臺之享。商湯有景亳之命。周武有盟津之會。衆所歸信。不盟詛也。○夏。戶雅

反。鈞音均。亳。步各反。盟津音孟。本亦作孟。

交質子不及二伯。

有踐土之盟。諸侯率服。不質責任也。○交質。貝音置。注同。二伯如字。又音霸。召上照反。

八月葬蔡宣公。月

葬故也。○九月辛卯。公及莒人盟于包來。

包來宋邑。包音苞。

一音浮左。氏作浮來。可言公及人。不可言公及大夫。

稱人衆辭。可言公及人。若

舉國之人皆盟也。不可言公及大夫。如以大夫敵公故也。

○螟。

丁反。

冬十有二月無

佻卒。無佻之名。未有聞焉。

未聞者不知為是隱之。不爵大夫為是有罪。貶去氏族。穀梁子

不受之於師故曰未有聞焉。去起呂反。或曰隱不爵大夫也若俠卒是。若俠音協九年經同。

或說曰故貶之也若無該帥師入極是。

九年春天王使南季來聘南氏姓也季字也南季之上下大夫氏以為姓也所以別姓者經有王季子來聘祭伯來王祭皆非姓也嫌與同故別之也季云字者明命為大夫不以名通也。別彼列反祭伯側界反下同凡國名邑名及人名氏皆於始音後不復出若假借之字時復重音後放此。聘問也聘諸

侯非正也周禮天子時聘以結諸侯之好殷親以除邦國之患之喜致禮以補諸侯之災許慎曰禮臣病君親問之天子有下聘之義傳曰聘諸侯非正寗所未詳。好呼報反規他弔反憲他得反惡也問問問之問服市軫反祭肉也禮戶外反或古外反。二月癸酉大雨震電震雷也

電霆也電徒練反霆徒庚辰大雨雪志疏數也。

八日之間再有大變陰陽錯行故謹而日之也劉

二云雷未可以出雷未可以見雷雷既以出見則雷不當復降皆失節即也雷雷雷也兩雪陰也雷出非其時者是陽不能閉陰陰氣縱逸而將為害

也。雨于付反數色角反向舒亮反見賢徧反復扶又反。雨月志正也雨得其時則月。俠卒俠

者所俠也俠名也所其氏。弗大夫者隱不爵大夫也俠不命為大夫故不氏。

隱之不爵大夫何也曰不成為君也明將立桓。夏城郎

郎魯邑。秋七月無事焉何以書不遺時也四時不具不成年也。

冬公會齊侯于防防魯地也。會者外為主焉爾

十年春王二月公會齊侯鄭伯于中丘隱行自此皆月者天告雷

雨之異以見篡弑之禍而不知戒懼反更數會故危之。見賢徧反數色角反。夏鞏帥師會齊人鄭

人伐宋鞏隱之罪人也故終隱之世貶之。六月壬戌公敗宋師于菅

敗例日與不日皆與戰同菅宋地。公敗必邁反又皮邁反後亦同于菅古顏反。內不言戰舉其大

者也戰然後敗故敗大於戰。辛未取郕郕古報反字林工笠反。辛巳取防取

邑不日此其日何也據僖三十三年伐邾取此言婁不日。此言子斯反。不正其乘

敗人而深為利。取二邑。故謹而日之也。

禮不重傷戰不逐此公敗

宋師于菅復取其二邑貪利不仁故謹其日。重直用反逐此如字又音佩本又作逐奔復扶又反。 ○秋。宋人衛人。

入鄭。○宋人蔡人衛人伐載鄭伯伐取之。

凡書取國皆滅也變

滅言取明其易。載如字本或作戴易以政反下文同。 不正其因人之力而易取之。

故主其事也。

三國伐載自足以制之鄭伯不能矜人之危而反與共伐故獨書鄭伯伐取之以首其惡其實四國共取

之惡 ○冬。十月。壬午。齊人鄭人入郕。入者。內弗受

烏各反

也。日入惡入者也。郕國也。

○惡烏路反

十有一年。春。滕侯薛侯來朝。天子無事。諸侯相朝。

正也。

事謂巡守崩葬兵革之事。薛息列反守音符本亦作符。

考禮脩德所以尊天子也。諸侯來朝時正也。

朝宜以時故書時則正也。別言也。

若穀伯綏來朝。鄧侯吾離來朝。同時。累數。皆至也。

若穀伯綏來朝鄧侯吾離來朝同時來不俱至。植音特獨也本或作特。

累數皆至也。累數物言之也若滕

侯薛侯來朝同時俱至。數所主反。

○夏。五月。公會鄭伯于時來。

時來鄭地。

秋。七月。壬午。公及齊侯鄭伯入許。○冬。十有一月。

壬辰。公薨。公薨不地。故也。

不地不書路寢之比必利反。

隱之。不

隱猶痛也。

忍地也。其不言葬何也。君弑賊不討。不書葬。

責臣子也。無正謂不書正月。

元年有正。所以正隱也。

明隱宜立。

春秋穀梁傳卷第一

經傳貳阡柒伯字

注肆阡陸伯伍拾叁字

音義壹阡肆伯貳拾柒字

仁神比較訖

春秋穀梁傳相公第二

○相公名允相王九年即位

范甯集解

元年春王相無王其曰王何也謹始也

諸侯無專立之道必受國於王

若相初立便以見治故詳其即位之始以明王者之義

其曰無王何也相弟弑兄臣

弑君天子不能定諸侯不能救百姓不能去以為

無王之道遂可以至焉爾元年有王所以治相也

正月公即位

杜預曰嗣子位定於初喪而改元必須踰年者繼父之業成父之志不忍有變於中年也諸侯每首歲必

有禮於廟諸遭喪繼位者因此而改元即位百官以序故國史亦書即位之事於策去上聲繼故不言即位

正也故謂弑也繼故不言即位之為正何也曰先君不

以其道終則子弟不忍即位也

哀痛之至故不忍行即位之禮繼故

而言即位則是與聞乎弑也繼故而言即位是為

與聞乎弑何也。曰：先君不以其道終，已正即位之道而即位，是無恩於先君也。推其無恩則知與弑也。此明統例耳。與弑尚然，况親弑者。

○與聞音豫下文。及注與弑比皆同。三月，公會鄭伯于垂。垂，衛地也。傳例曰：往月危往也。相大

惡之人故會。會者，外為主焉爾。鄭伯所以欲為此會者，為易田故。○為易，干偽反。

○鄭伯以璧假許田，假不言以言以非假也。實假則不應言

以地相與也。諸侯受地於天子不得自專。無田則無許可知矣。不言

許，不與許也。但言以璧假許而不繼田，則許屬鄭也。今言許田，明之若可以借人，此蓋不欲以實言。○借子夜反。許田者，魯朝宿之邑也。邠者，鄭

伯之所受命而祭泰山之邑也。用見魯之不朝於

周，而鄭之不祭泰山也。朝天子所宿之邑，謂之朝宿。泰山非鄭竟內從天王巡守受命而祭也。擅

相換易則知朝祭並廢。○魯朝直遙及下皆同。邠，彼病反。又音丙見。賢，徐備反。竟音境。從在用反。守音符。擅市戰反。換一本亦作追。胡喚反。

夏四月丁未，公及鄭伯盟于越。越，衛地也。及者，內為志

焉爾。越，盟地之名也。○秋，大水。禮月令曰：季秋行夏令，則其國大水，大水例時

高，下有水災曰大水。○冬，十月，無事焉。何以書，不

遺時也。春秋編年，四時具而後為年。編錄。○編必連反。字林聲類韻集皆

布于反。史記音義甫連反。

二年春，王正月，戊申，宋督弑其君與夷。宋督，宋之卑者。卑者以國

氏。○督，丁毒反。與如字。又音餘。相無王，其曰王何也。正與夷之卒也。

諸侯之卒，天子所隱痛，效逆之人。王法所宜誅，故書且土以正之。及其大夫孔父、孔父先死。

其曰及何也。書尊及卑。春秋之義也。邵曰：會盟言及，別

上下序也。○孔父之先死何也。督欲弑君而恐不立於

別彼列反。

是乎先殺孔父。孔父，閉也。開謂扞禦。殺並如字。扞下且反。何以知其

先殺孔父也。曰：子既死，父不忍稱其名。臣既死，君

不忍稱其名，以是知君之累之也。累謂從也。孔氏，父字

謚也。孔父有死難之勳，故其君以字為謚。難乃日反。或曰：其不稱名，蓋為祖

諱也。孔子故宋也。孔子祖魯，是宋人。孔父之玄孫。為子偽反。滕子來朝。隱

一年稱侯。今稱子。蓋時王所黜。○三月，公會齊侯、陳侯、鄭伯、子穰，以

成宋亂。穰，宋地也。以者，內為志焉爾。公為志乎成，是

亂也。欲會者外也。欲受賂者公也。此成矣。取不成事之辭而加之

焉。於內之惡，而君子無遺焉爾。取不成事之辭，謂以成宋亂也。相蔽逆之人，故

極言其惡無所遺漏也。江澗曰：春秋親尊，皆諱蓋。惡惡之不可掩，豈當取不成事之辭，以加君父之惡乎？案宣四年公及齊侯、平莒及邾，傳曰：平者成也。然則成亦平也。公與齊、陳、鄭欲平宋亂，而取其賂，則不能平。亂故書成。宋亂取郟大鼎，納于大廟，微旨見矣。尋理推經傳，似失之。徐

邈曰：宋雖已亂，治之則治，治亂成不繫此一會。若諸侯討之，則有撥亂之功。不討則受成亂之責，辭豈虛加也。或春秋雖為親尊者諱，然亦不沒其實。故納鼎于廟，躋倍逆祀及王室之亂，昭公之孫皆指事而書。哀七年傳所謂有一國之道者，有天下之道者也。君失社稷，猶書而不隱。況今四國羣會，非一人之過，以義致譏，輕於自己，非亂以此方彼。無所多怪。○鄭音談。大廟音泰。下文及注同。見駁其偏反。躋字考反。○

夏四月，取郟大鼎于宋。戊申，納于大廟。傳例曰：納者內不受也。日

之明惡甚也。太廟，周公廟。○郟，古報反。栢內弑其君，外成人之亂。受賂而

退，以事其祖，非禮也。其道以周公為弗受也。郟，鼎

者，郟之所為也。曰宋，取之宋也。此鼎本郟國所

為討之鼎也。討宋亂而更受其賂，鼎為討之鼎。如字。麋氏云：討或作糾。孔子曰：名從主

人物從中國，故曰郟大鼎也。主人謂作鼎之主，人也。故繫

○秋，七月，紀侯來朝。隱二年，稱子。今稱侯。蓋時王所進。紀侯左氏作杞侯。朝時，此

其月何也。據隱十一年春，滕侯薛侯來朝，稱時。栢內弑其君，外成人之

隱十一年春，滕侯薛侯來朝，稱時。

隱十一年春，滕侯薛侯來朝，稱時。

亂於是為齊侯。陳侯。鄭伯。計數日以賂。相既罪深責大乃復為三

故謹而月之也。已紀也。相與諸侯校數功勞以取宋賂。不知非之。為非貪。愚之其紀不擇其不肖而就朝之。惡鳥

杞。我入之也。不稱主名。內之卑者。公及戎盟于唐。冬。公至

自唐。告廟曰。至傳例曰。致君者。殆其往而喜其。反此致君之意。義也。雖不言會。故以地致。相無會。而其

致何也。遠之也。相會甚眾。而曰無會。蓋無致會也。弑逆之罪。非可

三年。春。正月。公會齊侯于贏。贏音盈。齊地。夏。齊侯衛

侯。胥命于蒲。蒲音衛地。胥之為言。猶相也。相命而信諭

謹言而退。以是為近古也。申約言以相達。不歃血而誓。謂五帝時。近附近之近。約如字

是必一人先。其以相言之何也。不以齊

侯命衛侯也。江熙曰。夫相與親比。非一人之德。是以同聲相應。同氣相求。齊衛胥盟。雖有先倡。倡和理均。若以齊命衛

則功歸于齊。以衛命齊。則齊僅隨從。言其相命則泯然無際矣。○比毗志。反。應。應對之。應。僅。巨。斬。反。泯。亡。忍。反。○六月。公

會杞侯于郕。郕音成。郕音成。秋。七月。壬辰朔。日有食之

既言日言朔。食正朔也。朔日。食也。既者盡也。有繼之辭

也。盡而復生謂之。既。復扶又反。○公子翬如齊逆女。翬音公。子者。相

女親者也。使大夫非正也。九月。齊侯送姜氏于謹

母不出祭門。諸母兄弟不出闕門。祭門。廟門也。闕。兩觀

從爾姑之言。諸母般申之曰。謹慎從爾父母之言。

送女踰竟。非禮也。踰。般。囊也。所以盛朝夕所須。以備舅姑之用。般。步干反。一本作般。音同。盛音成。

○九月。齊侯送姜氏于謹

母不出祭門。諸母兄弟不出闕門。

從爾姑之言。諸母般申之曰。謹慎從爾父母之言。

送女踰竟。非禮也。

○九月。齊侯送姜氏于謹

母不出祭門。諸母兄弟不出闕門。

從爾姑之言。諸母般申之曰。謹慎從爾父母之言。

送女踰竟。非禮也。

竟音公會齊侯于謹。無譏乎。齊侯送女踰竟遠至于謹。媿會非禮之人。皆有譏。

曰為禮也。齊侯來也。公之逆而會之可也。為親逆。夫

人姜氏至自齊。其不言輦之以來何也。據宣元年。遂

至自齊。公親受之于齊侯也。重在子貢曰。冕而親迎。不

已重乎。冕祭服。迎魚。敬反。一本作逆。孔子曰。合二姓之好。以繼萬

世之後。何謂已重乎。好呼。報反。冬。齊侯使其弟年來

聘。有年。有年。例時。五穀皆熟。為有年也。

四年春。正月。公狩于郎。春而言狩。蓋用冬狩之禮。蒐狩例時。而此月者。重公失禮也。莊四年冬。公

及齊人狩于郕。傳曰。齊人者。齊侯也。其曰人何也。卑公之敵。所以四時

之田。皆為宗廟之事也。春曰田。取獸於田。為于偽反。夏曰苗。因

苗除害。故曰苗。秋曰蒐。蒐擇之舍。小取大。蒐所由反。冬曰狩。狩圍狩。也。冬物

畢成獲則取之無所擇四時之田用三焉。唯其所先得。一為乾

豆。上殺中心。死速乾之。以為豆實。可以祭祀。中丁仲反。下同。二為賓客。次殺射。解體死。差

步改。反又必。邇反。酪。苦嫁反。差初賣反。三為充君之庖。下殺中腸。汚泡死。最遲

尊神敬交。之義。庖。垢交反。汚。汗穢之汚。泡。普交反。又百交反。夏。天王使宰渠伯糾來

聘。宰官也。渠氏也。天子下大夫老。故稱字。下無秋。冬二時。齊所未詳。

五年春。正月。甲戌。己丑。陳侯鮑卒。鮑卒。何為以二

日卒之。春秋之義。信以傳信。疑以傳疑。明實錄也。傳直專反。

陳侯以甲戌之日出。己丑之日得。不知死之日。故

舉二日。以包也。國君獨出。必辟。音避。本又作避。夏。齊侯鄭伯

如紀。外相如不書。過我。則善。例時。過我。古未反。下文及注同。天王使任叔之子來聘。

任叔。天子之大夫。任叔音。壬。左氏作仍叔。任叔之子者。錄父以使子也。故微



蔡人爭禽蔡人不知其是陳君也而殺之淫獵謂自放恣遺失

徒衆○陳佗徒河反何以知其是陳君也兩下相殺不

道兩大夫相殺不書春秋其不地於蔡也○九月丁卯子同生

人也時人僉曰齊侯之子同於他人僉七廉反○冬紀侯來朝

七年春二月己亥焚咸丘日之謹其惡惡鳥各反其不言邾咸

亡何也據襄元年圍宋彭城言宋疾其以火攻也不繫於國者欲使焚邑之罪與焚國同

○夏穀伯綏來朝○鄧侯吾離來朝其名何也據

何也據文十二年邾伯來奔不言朝嘗以諸侯與之接矣雖失國弗

損吾異日也待之以初也下無秋冬二時甯所未詳

失國也禮諸侯不生名失地則名失國則其以朝言之

十一年滕薛來朝不名

八年春正月己卯烝春祭曰祠薦尚其卯夏祭曰禴薦尚麥

烝魚秋祭曰嘗薦尚黍冬祭曰烝薦尚稻

烝時定八年冬從祀先公是也僖八年秋七月禘于大廟月者謹用致夫

志不時也○天王使家父來聘家夫天子大夫家氏父字○夏五

月丁丑烝烝冬事也春夏興之黷祀也志不敬也

○黷徒木反○秋伐邾○冬十月雨雪禮月令曰子血冬行秋令則霜雪不時雨于付

反○祭公來遂逆王后于紀祭公襄內諸侯為天子三公者親逆例時不親逆例月故

春秋左氏說曰王者至尊無敵無親逆之禮祭公逆王后未到京師而

稱后知天子不行而禮成也鄭君釋之曰大妣之家在卻之陽在渭之

溪文王親迎于渭即天子親迎之明文矣天子雖尊其于后猶夫婦夫婦

判合禮同一體所謂無敵豈施此哉禮記哀公問曰冕而親迎不已重

乎孔子然然作色而對曰合二姓之好以繼先聖之後以為天地宗廟

社稷之主君何謂已重焉此言親迎繼先聖之後為天地宗廟社稷之

主非天子則誰乎○祭公側界反寰音縣又音環親迎魚敬反注皆同

大妣音似大妣文王妃也卻音洽本又作洽溪音仕敬在九反又親小

祭二

祭二

祭二

祭二

祭二

祭二

祭二

呼報反反之好其不言使焉何也據四年天王使不正其以宗

廟之大事即謀於我故弗與使也時天子命祭公就魯

略之也以其遂逆無禮故不書逆女或曰天子無外王命

之則成矣四海之濱莫非王臣王命紀女為右則已

九年春紀季姜歸于京師季姜桓王右書字者為之中

者歸之也中謂歸與婚事之中丁夏四月秋七月

冬曹伯使其世子射姑來朝朝不言使言使非

正也使世子伉諸侯之禮而來朝曹伯失正矣諸

侯相見曰朝以待人父之道待人之子以內為失

正矣內失正曹伯失正世子可以已矣則是放命

也父有爭子則身不陷於不義射姑發曹伯之命可射音亦尸子

曰夫已多乎道邵曰已止也止曹伯使朝之命則曹伯不陷非

十年春王正月庚申曹伯終生卒相無王其曰王

何也正終生之卒也徐乾曰與夷見弑恐正卒不夏五

月葬曹相公秋公會衛侯于桃丘弗遇桃丘衛地

弗遇者志不相得也弗內辭也

鄭伯來戰于郎結日列陳則日傳例曰不來戰者前定

之戰也先已結期戰內不言戰言戰則敗也兩敵故言

不言其人以吾敗也不言及者為內諱也

以外敵內書戰則敗

書戰則敗

○為于  
偽反

十有一年春正月齊人衛人鄭人盟于惡曹惡曹地關

○夏五月癸未鄭伯寤生卒寤吾故反○秋七月葬鄭

莊公莊公殺段失德不葬而書葬者段不弟於王法當討故不以殺親親賤之弟下並音弟又如字○九月

宋人執鄭祭仲祭仲名執大夫有罪者例時無罪者月此月者為下盟祭側界反宋人者

宋公也其曰人何也賤之也惡其執人權臣廢嫡立庶惡烏路反嫡丁歷反○

突歸于鄭突鄭厲公昭公之弟莊公之子曰突賤之也曰歸易辭也

傳例曰歸為善自某歸次之此傳曰歸易辭也然則歸有二義不皆善矣突篡兄之位制命權臣則歸無善易以改反下文及注同篡初患反

祭仲易其事權在祭仲也死君難臣道也今立

惡而黜正惡祭仲也易辭言廢立在此難乃旦反惡祭烏路反○鄭忽出

奔衛忽鄭昭公鄭忽者世子忽也其名謂去世子而但

稱忽去起呂反○柔會宋公陳侯蔡叔盟于折蔡叔蔡大夫名未命故不氏折其地折之設反又時設反

柔者何吾大夫之未命者也○公會

宋公子夫鍾夫鍾卿也夫立音扶○冬十有二月公會

宋公子闞闞魯地闞口暫反

十有二年春正月○夏六月壬寅公會紀侯莒子

盟于曲池曲池魯地○秋七月丁亥公會宋公○燕人盟

于穀上穀仁宋地燕音煙國名○八月壬辰陳侯躍卒陳厲公也躍餘若

反○公會宋公子虛虛宋地虛如字又去魚反○冬十有一月公會

宋公子龜龜宋地○丙戌公會鄭伯盟于武父武父鄭地父

音甫○丙戌衛侯晉卒再稱日決日義也明二事比皆當日也晉不正非日

女子者也不正前見矣隱四年衛人立晉是也與齊小白義同○見賢備反○十有二月及鄭師伐

宋丁未戰于宋。非與所與伐戰也。非責不言與鄭戰恥不和也。於伐與戰。敗也。內諱敗。舉其可道者也。於伐宋而與鄭戰內敗也戰輕於敗戰可道而敗不可道

十有三年春二月公會紀侯鄭伯己巳及齊侯宋

公衛侯燕人戰齊師宋師衛師燕師敗績。徐貌曰信

九年傳曰禮極在堂上孤無外事今衛宣未葬而嗣子稱侯以出其失禮明矣宋陳稱子而衛稱侯隨其所以自稱者而書之得失自見矣。極其救反見賢偏反

其言及者由內及之也。其曰戰者由外言之也。內不言戰言戰則敗今魯與紀鄭同討以有紀鄭故可得言戰

戰稱人敗稱師重衆也。其不地於紀也。春秋戰無不地即於紀戰無為不地也鄭君曰紀當為己謂在魯也字之誤耳時在龍門城下之戰迫近故不地

三月葬衛宣公夏大水秋七月

冬十月

十有四年春正月公會鄭伯于曹無冰。皆君不明去就政治

十有四年春正月公會鄭伯于曹無冰。皆君不明去就政治

時燠也。夏五。鄭伯使其弟禦來盟。諸

侯之尊。弟兄不得以屬通。其弟云者。以其來我舉

其貴者也。來盟前定也。不日。前定之盟。不日。言信在前非結

其舒。望遠者。察其貌而不察其形。貌姿身形容色

立乎定哀。以指隱桓。隱桓之日遠矣。夏五。傳疑也。

秋八月壬申。御廩

災。乙亥嘗。御廩之災。不

志。此其志何也。以為唯未易災之餘而嘗。可

志。此其志何也。以為唯未易災之餘而嘗。可

志。此其志何也。以為唯未易災之餘而嘗。可

志。此其志何也。以為唯未易災之餘而嘗。可

志。此其志何也。以為唯未易災之餘而嘗。可

志。此其志何也。以為唯未易災之餘而嘗。可

志。此其志何也。以為唯未易災之餘而嘗。可

志。此其志何也。以為唯未易災之餘而嘗。可

志。此其志何也。以為唯未易災之餘而嘗。可

也。志不敬也。

鄭嗣曰：唯以未易災之餘而嘗，然後可志也。用火焚之，餘以祭宗廟，非人子所以盡其心力不敬之大也。

○盡津

天子親耕，以共粢盛。

天子親耕其禮三推，黍稷曰粢，在器曰盛。○共音恭，一本作恭。

粢音咨，推昌誰反。一音他回反。

王后親蠶，以共祭服。

王后親蠶，齊戒躬祭，夫人三纁，遂班三宮，朱綠玄黃。

以為黼黻文章，服既成，君服以祀之。○齊戒，側皆反。本亦作齋，纁，先刀反。黼音甫，亦作黻，音弗，俗作黻。

國非無良農

工女也。以為人之所盡事，其祖禰，不若以己所自

親者也。

凱曰：夫治人之道，莫急於禮。禮有五經，莫重於祭。祭者非物自外至者也，由中出者，身致其誠信，然後可以交於神。

○禴乃禮反。

何用見其未易災之餘而嘗也。曰：甸

粟而內之三宮，三宮米而藏之御廩。

甸，甸師掌田之官也。三宮，三夫人也。宗廟之禮，君親割，夫人親舂。○親舂，傷穴反。

夫嘗必有兼甸之事焉。

夫，夫人親舂。是兼甸之事。○兼甸如字，一本作甸，十日為甸，注亦然。

壬申，御廩災。乙亥，嘗。以為未易

災之餘而嘗也。

鄭嗣曰：壬申，乙亥，相去四日，言用日至少而功多，明未足及易而嘗。○冬，十有

二月丁巳，齊侯祿父卒。宋人以齊人蔡人衛人

陳人伐鄭，以者不以者也。民者君之本也。使人以

其死非正也。

不以者謂本非所得制，今得之以也。刺四國使宋專用其師，輕民命也。○刺七賜反。

十有五年春二月，天王使冢父來求車。古者諸侯

時獻于天子，以其國之所有，故有辭讓而無徵求。

求車，非禮也。求金甚矣。

文九年毛伯來求金。

○三月乙未，天王

崩。

相王。○夏四月己巳，葬齊僖公。○五月，鄭伯突出

奔蔡，譏奪正也。

禮諸侯不生名，今各突以譏之。

○鄭世子忽復歸于

鄭，反正也。

○許叔入于許。

傳例曰：大夫出奔，反許叔，許以好曰歸，以惡曰入。

之貴者也。莫宜乎許叔，其曰入何也。其歸之道，非

所以歸也。

泰曰：許國之貴，莫過許叔，叔之宜立，又無與二而進無王命，退非父授，故不書曰歸，同之惡入。

○公

會齊侯于蒿

蒿左氏作艾公羊作鄆

邾人。牟人。葛人來朝。何

曰相公行惡而三人俱朝事之三人為眾

秋九月鄭伯突入

于櫟

櫟鄭邑也突不正書入

冬十有一月公會宋公衛

侯陳侯于袤伐鄭

袤宋地

地而後伐疑辭也非

其疑也

鄭突欲篡國伐而正之義也不應疑故責之

十有六年春正月公會宋公蔡侯衛侯于曹夏

四月公會宋公衛侯蔡侯伐鄭

蔡常在衛上今序陳下蓋後至

秋七月公至自伐鄭相無會其致何也危之也

相公再助篡伐正危殆之甚喜得全歸故致之

冬城向

向舒

十有一月衛

侯朔出奔齊

朔惠

朔之名惡也天子召而不往

也

十有七年春正月丙辰公會齊侯紀侯盟于黃

地二月丙午公及邾儀父盟于越

五月丙午及齊師戰于郎內諱敗舉其可道者也

不言其人以吾敗也

言不言及之者為內諱也

月丁丑蔡侯封人卒秋八月蔡季自陳歸于蔡

蔡季蔡之貴者也自陳陳有奉焉爾

葬蔡相侯

人衛人伐邾冬十月朔日有食之言朔不言日

食既朔也

十有八年春王正月公會齊侯于灤

力沃反又音洛 公與夫人姜氏遂如齊 公本與夫人俱行至樂公與齊侯行

會禮故先書會樂既會而相隨至齊故曰遂遂繼事之辭他皆放此 樂之會不言及夫人何

也 據夫人實在當言公及夫人姜氏會齊侯于樂 以夫人之仇弗稱數也 樂之會

伉不可言及故舍而弗數今書遂如齊欲錄其致變之由故不可不以不書實驕伉而不制故不言及 伉本又作元苦浪反數色戶反舍音捨

○夏四月丙子公薨于齊 夫人與齊謀殺之不書諱也魯公薨正與不正皆日所以別內外也

外也別內 其地於外也 薨稱公舉上也 公五等之上 丁

酉公之喪至自齊 秋七月○冬十有二月己丑

葬我君桓公葬我君接上下也 言我君舉國上下之辭 君弑賊

不討不書葬此其言葬何也 據隱公不書葬 不責踰國而

討于是也 禮君父之讎不與共戴天而曰不責踰國而討于是者時齊強大非己所討君子即而恕之以申臣子之恩

桓公葬而後舉謚謚所以成德也於卒事乎加之

矣 謚者行之迹所以表德人之終卒事畢於葬故於葬定稱號也昔武王崩周公制謚法大行受大名小行受小名所以勤善而懲惡

禮天子崩稱天命以謚之諸侯薨天子謚之卿大夫卒受謚於其君 行之下孟反下同稱尺證反 知者慮義者

行仁者守有此三者備然後可以會矣 相無此三者而出會大國

所以見殺○知音智守如字又音狩

### 春秋穀梁卷第二

經傳參阡零伍拾參字

注參阡柒伯捌拾肆字

音義壹阡零貳拾肆字

余 仁仲刊于家塾



單伯逆王姬

單姓也伯字○單音善單姓伯字左氏

單伯者

何吾大夫之命乎天子者也命大夫故不名也

諸侯

歲貢士于天子天子親命之使還其國為大夫者不名天子就其國命之者以名氏通也

據

遂如京師言如其義不可受於京師也其義不可受於

京師何也曰躬君弑於齊使之主婚姻與齊為禮

其義固不可受也

禮尊卑不敵天子嫁女于諸侯必使同姓諸侯主之魯相親見殺于齊若天子命使為主則非禮大矣春秋為尊者諱故不可受之于

于外築禮也于外非禮也築之為禮何也主

王姬者必自公門出

公門朝之外門主王姬者當設几筵于宗廟以俟迎者故在公門之內築王姬之館

節矣築之外變之正也築之外變之為正何也仇

節矣築之外變之正也築之外變之為正何也仇

節矣築之外變之正也築之外變之為正何也仇

讎之人非所以接婚姻也衰麻非所以接弁冕也

不使齊侯得與吾為禮也○冬十月乙亥陳侯林

卒諸侯日卒正也○王使榮叔來錫桓公命

之大夫也禮有九錫一曰輿馬二曰衣服三曰樂則四曰朱戶五曰

納陛六曰虎賁七曰弓矢八曰鈇鉞九曰鉅鬯皆所以褒德賞功也德

有厚薄功有輕重故命有多少何休曰桓公弑逆之人王法所宜誅絕而

反錫命悖亂天道故不言天王也文五年王使榮叔歸含且贈則曰含

者臣子之職也以至尊行卑事故不言天王也三月王使毛伯來會葬

又曰刺比失禮故亦不言天王也甯繁僖二十四年天王出居于鄭不

可最大矣禮天子既有贈含之制傳但譏二事共一使耳言且所以示

譏一事無再貶之道也以天王之尊會人妾祖母之葬誠失禮矣孰若

使任叔之子來聘使家父來求車之不可乎此三者皆言天王明非義

之所存舊史有詳略夫子因而弗革故知曲說雖巧致遠則滯矣○錫

星歷反賈音奔鉄方胡反鉞音越鉅音巨黑黍粃勑亮反香酒也特補

對反含胡暗反贈芳鳳反刺七賜反一使所吏反任音士滯乃計反一

本作禮有受命無來錫命錫命非正也賞人於朝與

泥士共之當召

而錫也周禮大宗伯職曰王命諸侯則生服之死行之禮也

賓之是來受命。朝直遙反。償必刃反。

生不服。死追錫之。不正甚矣。○王姬歸于齊。為之

中者歸之也。○齊師遷紀。邾鄆部。紀國也。邾鄆部

國也。此國以三言為名。邾步。丁反。鄆子移反。鄆音吾。或曰。遷紀于邾鄆部。宋人

遷宿傳曰。遷亡辭也。其不地宿不復見矣。齊師遷紀四年。復書紀侯大

去其國者。紀侯賢不與齊師之亡紀。故變文以見義。邾鄆部之君無紀

侯之賢。故不復見從常例也。若齊師遷紀于邾鄆部。當言于以明之。又

不應復書地。當如宋人遷宿。齊人遷陽。或曰之說。甯所未詳。○復扶又

反見賢。偏反。

二年春。王二月。葬陳莊公。○夏。公子慶父帥師伐

於餘。亡慶父名。字仲父。國而曰伐於餘。亡邾之邑也。其曰伐

何也。公子貴矣。師重矣。而敵人之邑。公子病矣。病

公子。所以譏乎公也。其一日。君在而重之也。邾君在此邑故

不繼于邾。○秋。七月。齊王姬卒。為之主者卒之也。其主

使若國。○冬。十有二

月。夫人姜氏會齊侯于禚。禚齊地。禚章略反。婦人既嫁不踰

竟。踰竟非正也。婦人不言會。言會非正也。饗其甚矣

饗在四年。○踰竟音

境。後踰之例皆同。○乙酉。宋公馮卒。馮皮。冰反。

三年春。王正月。溺會齊侯伐衛。徐邈曰。傳例曰。往月危

之與師而會。與其

理危也。○溺乃狄反。

溺者何也。公子溺也。其不稱公子何

也。據二年公子慶父帥師伐於餘。上稱公子。惡其會仇讎而伐同姓。故貶而

名之也。惡鳥。路反。○夏。四月。葬宋莊公。月葬。故也。○五

月。葬桓王。傳曰。改葬也。若實改葬。當言改以明之。郊牛之

葬。故謂改葬之禮。總舉下。緇也。緇者。五服最下。言舉下。緇上

之改葬。從總皆反。其故服因葬桓

王。

王。

王。

王。

王記改葬之禮不謂改葬相王當服總也猶晦震夷伯之廟因明天子諸侯之制不謂夷伯非嘗之大夫也甯之先君與蔡司徒論之詳矣江  
與曰葬稱公舉五等之上改葬禮總舉五服之下以喪緇藐遠也天子諸侯易服而葬以為交於神明者不可以純凶况其緇者乎是故改葬之禮其服唯輕言緇釋所以總也○總息詞反緇亡善反表也  
或曰郤尸以求諸侯停尸七年會葬非人情也○郤尸去略反又去逆反杜預云尸未葬之通稱天子志崩不志葬必其時也何必焉舉天下而葬一人其義不疑也志葬故也危不得葬也曰近不失崩不志崩失天下也師涼去魯不遠赴告之命可不踰旬而至史不志崩則亂可知獨陰不生獨陽不生獨天不生徐說曰古人稱萬物負陰而抱陽冲氣以為和也會二氣之和極發揮之美者不可以柔剛滯其用不得以陰陽分其名故歸於冥極而謂之天凡生類稟靈知於天資形於二氣故又曰獨天不生必三合而形神生理具矣○揮許歸反冥亡丁反稟彼錦反知於音智故曰母之子也可天子之子也可尊者取尊稱焉卑者取卑稱焉王者尊故稱天

子衆人卑故稱母子○母之子也可絕句下倣此尊稱尺證及下卑稱司也○秋紀季以鄆入于齊季紀侯弟○鄆下圭反鄆紀之邑也入于齊者以鄆事齊也入者內弗受也雍曰紀國微弱齊將吞并紀季深觀存亡之機大懼社稷之傾故超然激舉以鄆事齊庶稍嗣不泯宗廟永存春秋賢之故優之以字齊受人之邑而滅人之國故於義不可受也○冬公次于郎次止也有畏也欲救紀而不能也畏齊四年春王二月夫人姜氏饗齊侯于祝上饗食也兩君相見之禮凡會書月著時事有危難於公發例亦無所不關祝上魯地○饗食本又作享香文反著者張畧反又張慮反饗甚矣非禮尤甚故饗齊侯所以病齊侯也○三月紀伯姬卒隱二年履綸所通者內女卒例曰伯姬失國略之故月也○綸音頊外夫人不卒此其言卒何也吾女也適諸侯則尊同以吾為之變卒之也

禮諸侯絕傍其姑姊妹女子子嫁於國君者尊與已同則為之服大功九月變不服之例然則適大夫者不書卒為于偽反其居其反

夏齊侯陳侯鄭伯遇于垂傳例曰不期而會曰○紀侯

大去其國大去者不遺一人之辭也言民之從者

四年而後畢也紀侯賢而齊侯滅之不言滅而曰

大去其國者不使小人加乎君子不曰滅而曰大去其國蓋抑無道之強以

優有道之弱若進止在己非齊所得滅也何休曰春秋楚世子商巨弑其君其後滅江六不言大去又大夫者於齊滅之不明但知不使小人

加乎君子而不言滅縱失襄公之惡反為大去也鄭君釋之曰商巨弑其父大惡也不得但為小人江六之君又無紀侯得民之賢不得變滅

言大去也元年冬齊師遷紀三年紀季以鄆入于齊今紀侯大去其國是足起齊滅之矣即以變滅言大去為縱失襄公之惡是乃經也非傳也且春秋因事見義舍此以滅人為罪者

自多矣○縱子用反見賢徧反舍音捨

○六月乙丑齊侯葬紀伯姬外夫人不書葬此其書葬何也吾女也失

國故隱而葬之隱痛也不曰卒而○秋七月○冬公及

齊人狩于郚郚齊地○狩音獸郚古報反左氏作焄齊人者齊侯也其曰

人何也卑公之敵所以卑公也內無貶公之道何為卑公也

不復讎而怨不釋刺釋怨也○怨紆元反又紆願反後同刺七賜反

五年春王正月○夏夫人姜氏如齊師師而曰如

衆也言師衆夫如國故可以言如若言如齊侯則不可婦人既嫁不踰竟踰竟非

禮也○秋郕黎來來朝黎來名也○郕五兮反國名黎即方反黎來即君名朝直遙反郕

國也黎來微國之君未爵命者也○冬公會齊人

宋人陳人蔡人伐衛納惠公朔是齊侯宋公也其曰人

何也人諸侯所以人公也其人公何也逆天王之

命也王不欲立朔也

六年春王三月王人子突救衛徐說曰諸侯不奉王命朔遂得篡王威屈辱守有危故

月也救衛於義善故重子突功不立故著其危王人卑者也稱名貴之也何以休

稱子則非名也鄭君釋之曰王人賤者錄則名可今以其衛命救衛故貴之貴之則子突為字可知明矣此名當為字誤爾徐乾曰王人者卑

者之稱也當直稱王人而已今以其能奉天子之命救衛而拒諸侯故加名以貴之僖八年公會王人齊侯是卑者之常稱○卑者之稱尺證

反下常稱同善救衛也救者善則伐者不正矣○夏六月衛侯朔入于衛其不言伐衛納朔何也據九年伐

納不逆天王之命也不與諸侯得入者內弗受也何納王之所絕

用弗受也為以王命絕之也朔之名惡也朔入逆則出順矣朔出入名以王命絕之也○秋公至自伐衛惡事不致此其致何也據襄九年時有穆姜之喪會諸侯伐鄭不致不致則無用見公之惡事之成也見賢○螟○螟上○冬齊人來歸衛寶以齊首之分惡於齊也使之如

下齊而來我然惡戰則殺矣若衛自歸寶於齊過齊然後與我齊首其事則我與王人

七年春夫人姜氏會齊侯于防防魯地婦人不會會

非正也○夏四月辛卯昔恒星不見恒星者經星也經常也謂常列宿○昔如字或作嘗同不見賢偏反下不音者同列宿夙又反下皆同日入至於星出

謂之昔不見者可以見也夜中星墮如雨如而也星既墮而後

其墮也如雨是夜中與星既墮而雨必晦暝安知夜中乎○與音春秋著以傳著疑以傳疑明實錄也中之幾也

而曰夜中著焉爾幾微也星既墮而雨中微難知而曰夜中白以實著爾非億度而知○度徒各反何

用見其中也失變而錄其時則夜中矣失星變之始而錄其已墮之時

其不曰恒星之墮何也我知恒星之不見

檢錄漏刻以知夜中

戰罪毛減○分惡烏各反下同殺色界外反舊色例反過古禾反差初賈反

雨○墮云敏反復扶又反

餘暝亡定反

檢錄漏刻以知夜中

而不知其隕也。我見其隕而接於地者，則是雨說也。言我見從上來接於下，然後可言兩星今唯見在下，故曰隕星。我見見音如字，注同。雨于付反，注同。著於上見於下，謂之雨；著於下不見於上，謂之隕。豈雨說哉？解經不得言兩星而言隕星也。鄭君曰：眾星列宿，諸侯之象，不見者是諸侯，棄天子禮義法度也。劉向曰：隕者象諸侯隕隊失其所也。又中夜而隕者，象不終其性命，中道而落。見于下如字，或賢偏反，不見賢偏反，隊直類反。○秋，大水。高下有水，災曰大水。○無麥苗，麥苗同時也。麥與黍稷之苗同時死。○冬，夫人姜氏會齊侯于穀。穀，齊地。婦人不會，會非正也。八年春，王正月，師次于郎，以俟陳人。蔡人時陳蔡欲伐魯，故出師以次，止也。俟，待也。甲午，治兵。出日治兵，習戰也。入日振旅，習戰也。振，整也。旅，衆也。治兵而陳，蔡不至矣。兵事以嚴終。以嚴整終事，故敵人不至。故曰：善陳者不戰，此之謂

也。善為國者不師。導之以德，齊之以禮。江熙曰：鄰國望我，歡若親戚，何師之為？陳直觀反，下文皆同。導徒報反，下同。善師者不陳。師，衆素嚴，不須耀軍。列陳，江濔曰：上兵伐謀，何乃至陳。善陳者不戰。軍陳嚴，救善敵望而畏之，莫敢戰。善戰者不死。投兵勝地，故無死者。江濔曰：辟實攻虛，則不死。善死者不亡。民盡其命，無奔奔散亡者也。江濔曰：見危授命，義存君親，雖沒猶存。盡津忍反，北音佩。○夏，師及齊師圍邾。邾降于齊師，其曰降于齊師，何？不使齊師加威於邾也。邾，同姓之國，而與齊伐之，是用師之過也。故使若齊無武功，而邾自降。降，戶江反，皆同。○秋，師還。還者，事未畢也。遯也。邾已降，而以未畢為文者，蓋辟滅同姓之國，示不卒其事。還音還，遯徒困反。○冬，十有一月，癸未，齊無知弒其君諸兒。大夫弒其君以國氏者，嫌也。弒而代之也。兒如字，一音反。九年春，齊人殺無知。無知之挈，失嫌也。稱人以殺

大夫殺有罪也

結反

○公及齊大夫盟于暨

暨魯地

既其器反

公不及大夫

春秋之義內大夫可以會諸侯公不可以盟外大夫所以明尊卑定內外也今齊國

無君要當有任其盟者故不得不以權通

大夫不名無君也

禮君前且名齊無君故大夫不名

納子糾也不日其盟渝也

變盟立小白

當齊無君制

在公矣當可納而不納故惡內也

惡烏路反下

○夏

公伐齊納糾

不言子糾而直云糾者盟繫在於魯故擊之也春秋書其奔鄭忽既受命嗣位是以書其出然則重非嫡嗣官非大夫皆事例所略故許叔蔡季小白重耳通亦不書出糾居黜反左氏作子糾

嫡丁歷反

當可納而不納齊變而後伐故乾時之戰

重直龍反

不諱敗惡內也

何休曰三年溺會齊師伐衛故貶而名之四年公

及齊人狩于郟故卑之曰人今親納讎子反惡其

晚恩義相違莫此之甚鄭君釋之曰於讎不復則怨不釋而魯釋怨屢

會仇讎一貶其臣一卑其君亦足以責魯臣子其餘則同不復讖也至

於伐齊納糾讖當可納而不納爾此自正義不相反也甯謂讎者無時而可與通縱納之遲晚又不能全保讎子何足以惡內乎然則乾時之

戰不諱敗齊人取子糾殺之皆不諱其文正書其事內之大惡不待貶絕居然顯矣二十四年公如齊親迎亦其類也惡內之言傳或失之○

敗惡烏各反注同復扶又反迺音于一音紆又於武反迎魚敬反

○齊小白入于齊大夫出

奔反以好曰歸

成十四年衛孫林父自晉歸于衛是也

以惡曰入齊公孫

無知弑襄公公子糾公子小白不能存出亡

齊人殺無知而迎公子糾於魯公子小白不讓

公子糾先入又殺之于魯故曰齊小白入于齊惡

之也

惡烏路反

○秋七月丁酉葬齊襄公

諸公子爭立國亂故危之

月庚申及齊師戰于乾時我師敗績

不言及者主名內之甲者乾時齊地

○九月齊人取子糾殺之

言子糾者明其宜宜為君

外不言取言取病內也取易辭也猶曰取其子糾而殺之云爾

猶言自齊之子糾今取而殺之

十室之邑可以逃難百室

言魯不能救護也○易以政反

之邑可以隱死以千乘之魯而不能存子糾以公為病矣。注○難乃旦反下○冬浚洙浚洙者深洙也著力不足也畏齊難○浚音峻深也洙音殊杜預云水名

十年春王正月公敗齊師于長勺長勺魯地○不日

疑戰也疑戰者言不尅日而戰以詐相襲疑戰而曰敗勝內也勝內謂勝在內

○二月公侵宋侵時此其月何也乃深其怨於齊

又退侵宋以眾其敵惡之故謹而月之○惡鳥路反

三月宋人遷宿遷亡辭也為人所遷則無復國家故曰亡辭閔二年齊人遷陽亦是也○復快

富反下文其不地宿不復見也國亡不復見經不言滅者言滅則弑其君滅其宗廟社稷

就而有之不遷其遷者猶未失其國家以往者也謂自遷者僖元年

年邢遷于夷儀成十五年許遷于葉之類是也彼二傳曰遷者猶得其國家以往者也此傳云遷者猶未失其國家以往互文也○葉舒涉反

○夏六月齊師宋師次于郎次止也畏我也○公

敗宋師于乘丘乘丘魯地○不日疑戰也疑戰而曰

敗勝內也○秋九月荆敗蔡師于莘莘蔡地○以蔡

侯獻武歸荆者楚也何為謂之荆狄之也何為狄

之聖人立必後至天子弱必先叛故曰荆狄之也

蔡侯何以名也據僖十五年秦獲晉侯不名絕之也何為

絕之獲也中國不言敗據宣十二年晉荀林父帥師及楚子

皮必反又扶必反一音弼敗績如字此其言敗何也中國不言敗蔡侯其

見獲乎其言敗何也釋蔡侯之獲也以歸猶愈乎

執也為中國諱見執故言以歸○為于偽反○冬十月齊師滅譚譚子奔

莒相十一年鄭忽出奔衛傳曰其名失國也十六年衛侯朔出奔齊傳曰朔之名惡也然則出奔書名有二義譚子國滅不名蓋無罪

也凡書奔者責不死社稷不言出者國滅無所出也他皆放此

十有一年春王正月○夏五月戊寅公敗宋師于鄆

鄆魯地○敗必萬反內事不言戰舉其大者其日

成敗之也結曰列陳不以詐相襲得敗師之道故曰成也○列陳直觀反宋萬之獲也○

秋宋大水外災不書此何以書王者之後也高下

有水災曰大水○冬王姬歸于齊其志過我也過

古禾反十有二年春王三月紀叔姬歸于鄆鄆紀邑也紀季所用入于齊者

國喜得其所故言歸焉爾江濞曰四年齊滅紀不言滅而

國滅也叔姬來歸不書非歸蓋且非大歸也叔姬守節積有年矣紀季雖以鄆入于齊不敢懷貳然襄公豺狼未可聞信相公既立德行方宣

紀國既滅故歸鄆國而曰歸此邑也其曰歸何也吾女也失

於天下是以叔姬歸于鄆曾喜其女得申其志○見賢徧反材仕皆反行下孟反○夏四月○秋八月

甲午宋萬弑其君捷捷宋閔公宋萬宋之卑者也卑者

以國氏及其大夫仇牧以尊及卑也仇牧閑也仇牧

宋萬出奔陳宋久不討賊致令得奔故謹而月之○令力呈反○冬十月

十有三年春齊人宋人陳人邾人會于北杏

是齊侯宋公也其曰人何也始疑之何疑焉

相非受命之伯也將以事授之者也言諸侯將權時推齊侯使行伯事

曰可矣乎未乎邵曰疑齊相雖非受命之伯諸侯推之便可以為伯乎未也舉人衆之

辭也稱人言非王命衆授之以事○夏六月齊人滅遂遂國也其不

日微國也○秋七月○冬公會齊侯盟于柯柯齊地○柯古

於天下是以叔姬歸于鄆曾喜其女得申其志○見賢徧反材仕皆反行下孟反

扞衛其君故見殺也相二年傳曰臣既死君不忍稱其名今仇牧書名則知宋君先弑○仇牧音目揮曷旦反

北杏齊地

言諸侯將權時推齊侯使行伯事

稱人言非王命衆授之以事

柯齊地○柯古

何曹劇之盟也。信齊侯也。曹劇之盟經傳無文蓋有信者也。公羊傳曰要盟可犯而相公

不欺曹子可讎而相公不然相公之信著於天下自柯之盟始。劇居衛反要盟於遙反。相盟雖內與不日。

信也。公盟例日外諸侯盟例不日。相大信遠著故雖公與盟猶不日。與音預注同。

十有四年春。齊人陳人曹人伐宋。夏。單伯會伐

宋。會事之成也。伐事已成單伯乃至。單音善。秋。七月。荆入蔡。荆

者楚也。其曰荆何也。州舉之也。州不如國。言荆不

不如名。言楚不如言介。葛廬。介音界。名不如字。言介葛廬不冬。單伯

會齊侯。宋公。衛侯。鄭伯。于鄆。復同會也。鄆音衛地。鄆音綃。

欲推相以為伯故復同會于此以謀之。復扶又反。

十有五年春。齊侯。宋公。陳侯。衛侯。鄭伯。會于鄆。復

同會也。為欲推相為伯故復會於此。復扶又反。夏。夫人姜氏如齊。

婦人既嫁不踰竟。踰竟非禮也。秋。宋人。齊人。邾

人。伐郟。宋主兵故序齊上也。班序上下以國大小為次。夷狄在下征伐則以主兵為先。春秋之常也。他皆放此。鄭

人侵宋。冬。十月。

十有六年春。王正月。夏。宋人。齊人。衛人。伐鄭。

秋。荆伐鄭。冬。十有二月。會齊侯。宋公。陳侯。衛侯。

鄭伯。許男。曹伯。滑伯。滕子。同盟于幽。幽宋地。滑于八反。同者

有同也。同尊周也。不言公。外內寮一疑之也。十三年春會于

比杏諸侯俱疑齊相非受命之伯欲共以事推之可乎。今于此年諸侯

同共推相而魯與齊離外內同一疑公可事齊不會不書公以著疑焉

同官為寮謂諸侯也。至二十七年同。邾子克卒。其曰子。進

之也。附齊而尊周室。王命進其爵。十有七年春。齊人執鄭詹。人者眾辭也。以人執與

之辭也

與令得執。詹者廉反。令力呈反。

鄭詹。鄭之卑者。卑者不志。此

其志何也。以其逃來。志之也。逃來則何志焉。將有

其末。不得不錄其本也。未謂逃來。鄭詹。鄭之佞人也。佞乃定反。

○夏。齊人殲于遂。殲者盡也。然則何為不言遂人

盡齊人也。無遂之辭也。無遂則何為言遂。其猶存

遂也。以其能殺齊。成故若遂之存。殲子廉反。盡也。遂人盡齊人絕句。存遂奈何。曰。齊人

滅遂。使人戍之。遂之因氏。飲戍者酒而殺之。齊人

殲焉。此謂狎敵也。狎猶輕也。飲於。秋。鄭詹。魯自齊逃

來。逃義曰逃。齊稱人以執是執有罪也。執得其罪。故曰義也。今而逃之。是逃義也。○冬。多麋。京房

易傳曰。廢正作淫。為火不明。則國多麋。麋。上非反。

十有八年。春。王三月。日有食之。不言日。不言朔。夜

食也。何以知其夜食也。曰。王者朝日

王制曰。天子立冕而朝。日於東門之

外。故曰始出而有虧。傷之。處是以知其夜食也。何休曰。春秋不言月。食日者。以其無形。故闕疑。其夜食。何緣書乎。鄭君釋之曰。一日一夜。合為

一日。今朔。日日始出。其食虧。傷之。處未復。故知此日。以夜食。夜食則亦屬前月之晦。故穀梁子不以為疑。○朝。直遙反。處。昌慮反。故

雖為天子。必有尊也。貴為諸侯。必有長也。故天子

朝日。諸侯朝朔。長丁。○夏。公追戎于濟西。其不言

戎之伐我何也。以公之追之。不使戎邇於我也。邇

近也。不使戎得逼。近於我。故若入竟。望風退走。○濟。子禮反。濟水名。邇。如字。邇。近也。一本作介。音界。亦近也。竟。音境。于濟西

者。大之也。何大焉。為公之追之也。言戎遠來。至濟西。必大有徒衆。以公自追

之。知其審然。○秋。有蜚。蜚。短狐也。蓋含沙射人。京房易傳曰。忠臣進善。君不識。厥外。國生蜚。○蜚。本亦

作蜚。音或短狐。本草謂之射工。射人食亦反。下文同。一有一亡。曰有蜚。射人者也。亡

音無又。○冬。十月

如字。

十有九年

傳本或分此以下為莊公與閔公同卷

春王正月。夏四月。

秋。公子結媵陳人之婦于鄆。遂及齊侯。宋公盟。媵

淺事也不志。此其志何也。辟要盟也。

曾實使公子結要二國之盟欲目託於大國未審得盟與不故以媵婦為名得盟則盟不則止此行有辭也。媵以證反又繩證反爾雅云送也。要於遙反注同。

何以見其辟要盟也。媵禮之輕者也。盟國之重也。以輕

事遂乎國重。無說。

以輕遂重無他異說故知辟要盟耳。見賢編反。

婦略之也。

但為遂事假錄媵事耳。故略言陳惡之也。數音朔。亞鳥路反。

夫人姜氏如莒。婦人既嫁不踰

竟。踰竟非正也。冬。齊人宋人陳人伐我西鄙。其

曰鄙。遠之也。其遠之何也。不以難適我國也。

難乃日反適如字本又作介音界。

二十年春。王二月。夫人姜氏如莒。

夫人比年如莒過而不改無禮尤甚故謹

而月之。莒音舉。婦人既嫁不踰竟。踰竟非正也。

音境。夏齊大災。其志以甚也。

外災不志甚謂災及人也。外災例時。秋七月。冬。齊人伐我

二十有一年春。王正月。夏五月。辛酉。鄭伯突卒。

秋七月。戊戌。夫人姜氏薨。婦人弗目也。

鄭嗣曰弗目謂不目言其地也。婦人無外事。居有常所。故薨不書地。僖元年傳曰。夫人薨不地。此言弗目。蓋互辭。爾定九年得寶玉大弓。傳曰。弗目。蓋也。蓋此類也。

江溯曰。文姜有弑公之逆。而弗目其罪。弗目謂不題目。文姜薨所也。一曰弗目其罪。冬。十有二月。葬

鄭厲公。

二十有二年春。王正月。肆大眚。肆失也。眚災也。

易稱赦過宥罪。書稱眚災肆赦。經稱肆大眚。皆放赦罪人。蕩滌衆故有災時而用之。非經國之常制。肆音四。眚音所。景反。宥音又。滌音似。

紀也失故也

災謂罪惡紀治理也。有罪當治。理之今失之者以文姜之故。

為嫌天子之

葬也

文姜罪應誅絕誅絕之罪不葬若不赦除眾惡而書。葬者嫌天子許之明須赦而後得葬。為于偽反。

癸丑

葬我小君文姜小君非君也

不治其民

其曰君何也

以其為公配可以言小君也。陳人殺其公子禦寇

御寇冠宜公之子

御寇魚呂反又作御。言公子而不言大夫公子未命為大夫也。其曰公子何也。公子之重視大夫比視命以執

公子。大夫既命得執公子之禮。夏五月

七月丙申

及齊高偃盟于防。不言公高偃伉也

則公盟也。高偃驕伉與公敵體取之故不書公。偃音奚伉音浪反。

冬公如齊納幣納幣大夫之事也。禮有納采

名

問女名而卜之知吉凶也。其禮如納采。

有納采

采擇女之德性也。其禮用鴈為贄者取順陰陽往來。贄音至。

有告期

告迎期迎魚

夫之事也。禮有納采

有納采

有告期

告迎期迎魚

敬

四者備而後娶。禮也。公之親納幣非禮也。故譏

之

公母喪未再替而圖婚傳無譏文但譏親納幣者喪婚不待賤絕而罪惡見。見賢徧反。

二十有三年春公至自齊。祭叔來聘

其外交

故不與使也

何休曰南季宰渠伯糾家父宰周公來聘皆稱使獨于此奪之何也。鄭君釋之曰諸稱使者是奉王命其人無自來之意。今祭叔不一心於王而欲外交不得王命來故去使以見之。去起呂反見賢徧反。

公如齊觀社。常事曰視。非常曰觀。觀無事之

辭也

言無朝會之事。朝直遙反下同。

以是為尸女也

于偽

無事不出竟。公至自齊。公如

陳公行例往時正也。

正謂無危懼

也皆放此。致月。故也。如往月致月。有懼焉爾。荆

人來聘。善累而後進之。其曰人何也。舉道不待再

祭側界反

音環

其不言使何也。天子之內臣也。不正

祭叔天子冢內諸侯叔名。

祭側界反

音環

其外交。故不與使也。天子之內臣也。不正

曰諸稱使者是奉王命其人無自來之意

今祭叔不一心於王而欲外交不得王命來故去使以見之。去起呂反見賢徧反。

公如齊觀社

常事曰視

非常曰觀

觀無事之

辭也

言無朝會之事。朝直遙反下同。

以是為尸女也

于偽

無事不出竟。公至自齊。公如

陳公行例往時正也。

正謂無危懼

也皆放此。致月。故也。如往月致月。有懼焉爾。荆

人來聘。善累而後進之。其曰人何也。舉道不待再

祭側界反

音環

其不言使何也。天子之內臣也。不正

曰諸稱使者是奉王命其人無自來之意

今祭叔不一心於王而欲外交不得王命來故去使以見之。去起呂反見賢徧反。

公如齊觀社

常事曰視

非常曰觀

觀無事之

辭也

言無朝會之事。朝直遙反下同。

以是為尸女也

于偽

無事不出竟。公至自齊。公如

陳公行例往時正也。

正謂無危懼

也皆放此。致月。故也。如往月致月。有懼焉爾。荆

人來聘。善累而後進之。其曰人何也。舉道不待再

祭側界反

音環

其不言使何也。天子之內臣也。不正

曰諸稱使者是奉王命其人無自來之意

今祭叔不一心於王而欲外交不得王命來故去使以見之。去起呂反見賢徧反。

公如齊觀社

常事曰視

非常曰觀

觀無事之

明聘問之禮朝宗之道非夷。○公及齊侯遇于穀。及者。內

為志焉。爾遇者。志相得也。蕭叔朝公。微國之君

未爵命者。其不言來於外也。言於穀朝公也。天子諸侯黜瑩

於外。非正也。○秋。丹桓宮楹。楹。柱也。天子諸侯黜瑩

黜。聖黑色。○黜。於糾反。又於柳反。注同。聖。烏路反。又烏各反。范云。黜。聖黑色。案。黜。黑也。聖。白土也。○黜。他苟反。黃色也。麋氏。六張斗反。大夫倉士黉黉。黃也。

射姑卒。射音亦。本或作亦。○十有二月。甲寅。公會齊侯盟于

扈。扈。盟不日。此盟日者。前公如齊。觀社傳曰。觀無事之辭。以是為尸女也。公怠棄國政。比行犯禮。憂危甚矣。霸主降心親與之盟。實有弘濟之功。而曾得免於罪。臣子所慶。莫重於此時。事所重文。亦宜詳故。特謹日以著之。○扈音戶。

二十有四年。春。王三月。刻桓宮桷。禮。天子之桷。斲

之。斲之。加密石焉。以細石磨之。○刻音克。桷音角。椽也。方曰桷。圓曰椽。斲。丁角反。削也。斲之力。公反磨也。

諸侯之桷。斲之。斲之。大夫斲之。士斲本。刻桷。非正

也。夫人所以崇宗廟也。取非禮與非正。而加之於

宗廟。以飾夫人。非正也。非禮謂娶離女。非正謂刻桷。丹楹也。本非宗廟之宜。故曰加言。將親迎。欲為夫人飾。又非正也。○迎魚敬反。下皆同。刻桓宮桷。丹桓宮楹。斥言桓宮。以

惡莊也。不言新宮。而謂之桓宮。以相見殺於齊。而飾其宗。○葬曹朝以祭。離國之女。惡莊不子。○惡烏路反。下同。○葬曹

莊公。○夏。公如齊。逆女。親迎。恒事也。不志。此其志

何也。不正其親。迎於齊也。○秋。公至自齊。迎者。行

見諸舍。見諸諸之也。言瞻望主人。乘車。○乘繩益反。先至。非正也。○八月。

丁丑。夫人姜氏入。姜。哀入者。內弗受也。日入。惡入者

也。何用不受也。以宗廟弗受也。其以宗廟弗受何

也。娶仇人子弟。以薦舍於前。其義不可受也。薦。進也。舍。置

為夫人飾。又非正也。○迎魚敬反。下皆同。刻桓宮桷。丹桓宮楹。斥言桓宮。以

惡莊也。不言新宮。而謂之桓宮。以相見殺於齊。而飾其宗。○葬曹朝以祭。離國之女。惡莊不子。○惡烏路反。下同。○葬曹

莊公。○夏。公如齊。逆女。親迎。恒事也。不志。此其志

何也。不正其親。迎於齊也。○秋。公至自齊。迎者。行

見諸舍。見諸諸之也。言瞻望主人。乘車。○乘繩益反。先至。非正也。○八月。

丁丑。夫人姜氏入。姜。哀入者。內弗受也。日入。惡入者

也。何用不受也。以宗廟弗受也。其以宗廟弗受何

也。娶仇人子弟。以薦舍於前。其義不可受也。薦。進也。舍。置



無足道焉爾。秋大水。鼓用牲于社于門。門國也高下有水災曰大水。既戒鼓而駭衆。用牲可以已矣。救日以鼓兵。救水以鼓衆。冬公子友如陳。

二十有六年春公伐戎。夏公至自伐戎。曹殺其大夫言大夫而不稱名姓。無命大夫也。無命大

夫而曰大夫賢也。為曹羈崇也。徐邈曰于時微國衰陵不能及禮其大夫降班

失位下同於士故略稱人而傳謂之無命大夫也。昔慶昔挈知庶其邪快皆特以事書非實能貴故略名而已。楚雖荆蠻漸自通于諸夏故莊二十三年書荆人來聘。文九年又襲而書名。國轉疆大書之益詳。然當備公文公之世楚猶未能自同于列國。故得臣及椒並略名。惟屈完來會諸侯以殊禮成之。楚莊王之興為江漢盟主與諸夏之君權行抗禮其勢疆于當年而事交於內外。故春秋書之。遂從中國之例。夫政俗隆替存乎其人。三后之姓日失其序而諸國乘間與之代興。因詳略之文則可以見時事之實矣。秦爵伯也。上據西周。班列中夏。故得稱師有大夫其大夫當名氏而文十二年秦術略名。蓋于時晉主魯盟而秦方敵晉。則魯之于秦情好疏矣。禮以飾情。情疏則禮略。春秋所以略文乎。又

吳札不書氏以成尊于上也。宋之盟叔孫豹不書氏以著其能恭此皆因事而為義。○為曹于偽反。挈女居反。又女加反。快苦夫反。諸夏戶雅反。下同。屈君勿反。情好呼報反。秋公會宋人。齊人。伐徐。冬十有二月。癸亥朔。日有食之。

二十有七年春公會杞伯姬于洮。伯姬莊公女洮魯地洮他刀反本或作

桃○夏六月公會齊侯。宋公。陳侯。鄭伯。同盟于幽。

同者有同也。同尊周也。於是而後授之諸侯也。其授之諸侯何也。齊侯得衆也。桓會不致安之也。桓盟不日信之也。信其信。仁其仁。衣裳之會十有一。

未嘗有歃血之盟也。信厚也。十三年會北杏十四年會鄆十五年又會鄆十六年會幽

二十七年又會幽僖元年會榘二年會費三年會陽穀五年會首戴七年會盩母九年會葵仁○歃所洽反于村他貞反又勅丁反本亦作檉盩如字又音甯母音無又茂后反兵車之會四。未嘗有大戰也。愛民也。

僖八年會泚十三年會鹹十五年會牡十六年會淮於末年乃言之  
不道侵蔡伐楚者方書其盛不道兵車也此則以兵車會而不用征伐  
○鹹音咸 ○秋公子友如陳葬原仲原仲陳大夫言葬

不言卒不葬者也外大夫例不書卒不葬而曰葬諱出奔也

言季友辟內難而出以葬原仲為辭○難乃旦反 ○冬杞伯姬來歸莒慶來逆

叔姬慶名也莒大夫也叔姬莊公女禮檀弓記曰陳莊子死赴於魯

不出竟雖欲哭之安得而哭之今之大夫交政於中國雖欲勿哭安得  
而勿哭則大夫越竟逆女非禮也董仲舒曰大夫無束脩之餽無諸侯

之交越竟逆女紀罪之○繆音穆縣音玄竟音境 諸侯之嫁子於大

夫主大夫以與之敵君不來者接內也不正其接內

故不與夫婦之稱也接內謂與君為禮也夫婦之稱當言逆女○稱尺證反杞伯來

朝杞稱伯蓋時王所繼○朝直公會齊侯于城濮城濮衛地○濮

音

二十有八年春王三月甲寅齊人伐衛衛人及齊

人戰衛人敗績於伐與戰安戰也問在何處戰○處曰慮反戰衛

戰則是師也其曰人何也微之也何為微之也今

授之諸侯而後有侵伐之事故微之也其人衛何

也以其人齊不可不人衛也齊桓始受方伯之任未能信

稱人以微之也人不可以敵于師師不可衛小齊大其以衛及

之何也以其微之可以言及也其稱人以敗何也

不以師敗於人也人輕而師重夏四月丁未邾子瑱卒

○瑱素果反 ○秋荆伐鄭荆者楚也其曰荆州舉之也

公會齊人宋人救鄭善救鄭也 ○冬築微微魯邑○

山林藪澤之利所以與民共也虞之非正也虞

禽獸之官言規固而築之又置官司以守之是不與民  
共同利也築不志凡志皆譏也築例時○藪素后反 ○大無麥

禾。大者有顧之辭也。於無禾及無麥也。一災不書於冬無禾而後

顧錄無變故言大明不收其 ○臧孫辰告糴于齊。臧孫辰魯大夫臧文仲○糴音狄 國無

三年之畜。曰國非其國也。一年不升。告糴諸侯。告

請也。糴糴也。不正。故舉臧孫辰以為私行也。為內諱故不稱

使使若私行○畜勑六反下同為內于偽反下文為內同 國無九年之畜。曰不足。無六

年之畜。曰急。無三年之畜。曰國非其國也。諸侯無

粟。諸侯相歸粟。正也。臧孫辰告糴于齊。告然後與

之言。內之無外交也。古者稅什一。宣十五年注詳矣○稅始銳反什一而稅一

豐年補敗。敗謂凶年 不外求而上下皆足也。雖累凶年

民弗病也。一年不艾而百姓饑。君子非之。不言如

為內諱也。艾牛蓋反

二十有九年。春。新延廩。延廩者。法廩也。周禮天子十之舊制也○廩九又反六種之勇反下皆同 其言新有故也。言改

之新有故。則何為書也。古之君人者。必時視民之所

勤。民勤於力。則功築罕。罕希○罕呼旦反 民勤於財。則貢賦

少。民勤於食。則百事廢矣。凶荒殺禮○殺所界反 冬。築微。春。新

延廩。以其用民力為已悉矣。盡○夏鄭人侵許○

秋。有蜚。穀梁說曰蜚者南方臭惡之氣所注也象君臣淫泆有臭惡之行○蜚扶味反行下孟反 一有一亡

曰有。亡如字又音無 ○冬。十有二月。紀叔姬卒。紀國雖滅叔姬執節守義

○城諸及防。諸防皆魯邑 可城也。以大及小也

故繫之紀賢而錄之 ○城諸及防。諸防皆魯邑 可城也。以大及小也。傳例曰凡城之志皆譏今云可者謂冬可用城不妨農役耳不謂作城無譏

三十年春王正月。夏師次于成。次止也。有畏也。欲救鄆而不能也。不言公。恥不能救鄆也。畏齊。鄆音音早。

秋七月。齊人降鄆。降猶下也。鄆紀之遺邑也。降戶江反。下

還嫁反。八月。癸亥。葬紀叔姬。不日卒而日葬。閔紀之

亡也。九月。庚午朔。日有食之。鼓用牲于社。救日。用牲既失。

之矣。非正陽之月。而又伐鼓亦非禮。冬。公及齊侯遇于魯濟。濟水名。濟子禮反。及

者。內為志焉。爾遇者。志相得也。齊人伐山戎。齊

人者。齊侯也。其曰人何也。愛齊侯乎。山戎也。不齊侯敵乎。

山戎故稱人。其愛之何也。桓內無因國。外無從諸侯。而越

千里之險。北伐山戎。危之也。內無因緣。山戎左右之國為內間者。外無諸侯者。不煩役。

寮國。從才用反。內間。間廁之間。則非之乎。善之也。遠伐山戎。雖危。勤王職。貢則善。何善乎。

爾。燕周之分子也。燕周大保召康公之後。成王所封分子。謂周之別子孫也。燕音烟。注及後同。分扶問反。

又如字本。或作介音。界大音泰。召上照反。貢職不至。山戎為之伐矣。言由山戎為害。伐擊

燕使之隔絕於周室。為之如字。

三十有一年。春。築臺于郎。夏。四月。薛伯卒。築

臺于薛。薛魯地。六月。齊侯來獻戎捷。獻。下奉上之辭也。春秋尊魯。故曰獻。

捷。在接反。戎。菽也。捷獲也。齊侯來獻捷者。內齊侯也。不言使。內

與同。不言使也。泰曰。齊桓內救中國。外攘夷狄。親倚之情。不以齊為異國。故不稱使。若同一國也。攘如羊反。

倚於綺反。下丈及注同。獻戎捷。軍得曰捷。戎菽也。菽。豆。秋。築臺

于秦。秦魯地。不正罷民三時。虞山林藪澤之利。且財

盡則怨。力盡則對。對。恚恨也。罷。音皮。下同。對。直類反。怨也。君子危之。故謹

而志之也。或曰。倚諸桓也。桓外無諸侯之變。內無

國事。越千里之險。北伐山戎。為燕辟地。辟開。為于  
魯外無諸侯之變。內無國事。一年罷民三時。虞  
山林藪澤之利。惡內也。譏公依倚齊相而與相行。異。惡烏路反。行下孟反。○冬。不雨。

三十有二年。春。城小穀。小穀。魯邑。○夏。宋公齊侯。遇于

梁上。遇者。志相得也。梁上。在曹邾之間。去齊八百

里。非不能從諸侯而往也。辭所遇。遇所不遇。大齊

相也。辭所遇。謂八百里間。諸侯必有願從者。而辭之遇所。不遇。謂遠遇宋公也。能從才用反。或如字。注同。○秋。七

月。癸巳。公子牙卒。牙慶父同母弟。何休曰。傳例大夫不日卒。惡也。鄭君釋之曰。牙莊公母弟。不言弟。其惡已見。不待去日矣。案傳例諸侯之尊弟也。不得以屬通。蓋以禮諸侯絕。蕃而臣諸父昆弟。稱昆弟。則是申其私親也。宣十七年。公弟叔肸卒。傳曰。其曰公弟叔肸賢之也。然則不稱弟。自其常例耳。鄭君之說。審所未詳。見賢徧反。去起呂反。

○八月。癸亥。公薨于路寢。公薨。皆書其路寢。

正寢也。寢疾居正寢。正也。男子不絕于婦人之手。

以齊終也。齊紱。齊側皆反。本亦作齊。○冬。十月。乙未。子般卒。在喪

子般其名也。莊公大子。不書。子卒日。正也。襄三十一年。秋。九月。子般卒。不書。即位是也。

不日。故也。文十八年。冬。十月。子赤卒。是也。見賢徧反。○公子慶父如齊。此奔也。其

曰如何也。據閔二年。慶父奔莒。不言如。見賢徧反。諱莫如深。深則隱。深。謂君弑。賊奔。隱痛

之至也。故子般日卒。慶父如齊。苟有所見。莫如深也。閔公不書。即位見子。般之弑。慶父出奔。

狄伐邢

春秋穀梁卷第三

經傳伍阡壹伯肆拾叁字

注陸阡零丹貳字

音義壹阡陸伯玖拾肆字

仁仲 比較訖

*[Faint bleed-through text from the reverse side of the page]*

春秋穀梁傳閔公第四

名開惠王十六年即位

范甯集解

元年春。王正月。繼弒君不言即位。正也。親之非父

也。兄也。尊之非君也。未踰年也。繼之如君父也者。受國焉

爾。齊人救邢。善救邢也。善齊相得伯之道。夏六月辛酉

葬我君莊公。莊公葬而後舉謚。謚所以成德也。於

卒事乎加之矣。秋八月。公及齊侯盟于洛姑。洛姑

盟納季子也。季子來歸。其曰季子。貴之

也。大夫稱名氏。曰子是。是貴之也。一本作路姑。子男子之美稱。美稱尺證反。其曰來歸。喜之也。大夫出使歸不

書執然後致。不言歸國內之人。不曰來。今言來者。明本欲逐去。同他國之人也。言歸者。明實魯人也。喜之者。季子賢大。天以亂故出奔國。人思

之懼其遂去。不反。今得其還。故。冬。齊仲孫來。其曰齊仲孫。皆喜曰。季子來歸。使所吏反。

外之也

魯絕之故繫之于齊。齊仲孫慶父也。左氏以為齊大夫。

其不目而曰仲孫。疏

之也

不目謂不言公子慶父。

其言齊以累桓也

繫仲孫於齊言桓容赦有罪。累少為偽反。

二年春。王正月。齊人遷陽。夏五月。乙酉。吉禘于

莊公

三年喪畢致新死者之主於廟廟之遠主當遷入太祖之廟因祭又於大廟故詳書以示譏。禘徒帝反。大祖音泰下大廟同昭上饒反闕苦光反。

喪事未畢而舉吉祭。故非之也

莊公薨至此方二月。十二月喪未畢。

秋。

八月辛丑。公薨。不地。故也。其不書葬。不以討母葬

子也

凡君弑賊討則書葬哀姜實被討而不書葬者不以討母葬子。

于邾

哀姜與弑閔公故出奔。孫音遜本或作遜與音豫。

孫之為言猶孫也。諱奔也。公子慶父出奔莒。其日出絕之也。慶父不復

見矣

慶父弑子般閔公不書弑諱之。復扶又反見賢徧反。

冬。齊高子來盟。其曰

來喜之也。其曰高子。貴之也。盟立僖公也。不言使

何也

據相十四年鄭伯使其弟禦來盟言使。禦魚呂反下同。

不以齊侯使高子也

衛

僖公二年城楚上以封衛則衛為狄所滅明矣。不言滅而言入者春秋為賢者諱齊桓公不能攘夷狄救中國故為之諱。為同攘如羊反。

是棄其師也

長謂高克也。高克好利不顧其君。文公惡而遠之。以而不召。殺將離散。高克進之。不以禮。文公退之。不以道。危國亡師之本。惡其烏路反。注同。長丁丈反。兼戶謙反。又如字。好呼報反。遠于萬音境。翔五羔反。

鄭棄其師。惡其長也

兼不反其眾則

十有二月。狄入

賢于偽反下。

音境。翔五羔反。

卷第四

春秋穀梁卷第四

經傳參伯壹拾玖字

注肆伯陸拾字

音義壹伯陸拾貳字

余

仁仲刊于家塾

*[Faint background text, likely bleed-through from the reverse side of the page]*



